

Inyobo Emoyo Lokalaunan?

Jeffersonville, Indiana, USA

59-1216

1 ...ecicing kanu airiamun. Airiamun na erai naegitakina mot kanejaasi nulem ajainikinosi aiboisit na. Noinoi nginipak neibunio oni nepepe kane, erai airiamun na...anu aitangale luadekak ka ipudesia luka akuan. Erai aitogogonget nai ibwaikinitai toma kangun. Konye akuare na igiarit oni asikwarunio na anuangaleun etau, emoyo loka etunganan.

Kanuangun, itojok Ejakait, Nasabiti tupuruc, osomero loanasabiiti, nasabiti tupuruc, ilosi ajaikin keda ailip kanu luadekak keda ekokoro lo aitangale kwapelem sek, nasabiti tupuruc, itojok Ejakait. Akuarasia nu nuesabiti ijai iridakina alimonokin akiro nu iboro lu Ikaru kere anuka Aijar.

2 Do kwana ijeni ebe ne engaleunio akuan, einakini oni kere ailel, naarae ijenuni oni kodoco ebe Edeke wok itangalei ikadekak. Konye itunganan ngin yenikadekan, kejaradaun awojau, epedori ariebakin bobo, acepak keda ariebo ngipengin naetangaleunere, mam ngin elemari aitangaleunio. Einakini emuron ekiya anu eremone, acepak akaul apaarasia aarei kotwakete anu eremone akaul na ngesi aitijenaar kesi kwape luangaleutu. Ebongokini bobo. Konye naitangaleunere etau ngon, ijaatar do kwana ijo, kotomakon kAijar na Ikaru kere.

Ido eyunit eong ebe iyapiasi kwani oni keda abongun naka Ejakait Yesu, ngesi do ibusakiniton oni aswam nu ipedori kere ayaun ngolitau toma Akabakanut, keda ayangaun Akabakanut nejaasi itunga, tetere oni ingaleuni kotoma omoyoi wok. Eyunit eong ebe akuan naka Yesu ngesi akuan naedeka kakere najeni eong; ngesi akuan, akuan nakomoyo naka Kristo kotoma akwap, edeka noi.

3 Do kwana, mam isio itemokina aidara yesi adaun aojau kwaare, naarae akwaare anasodit mam kijaar kapak naepedorio aisiboikin ikosipapero kere luminan. Ija isio toma opurojekt lo adukun ekanisa lo itetet, eyekalu loepol nepene nesiponokinio amotokan, arai mam nepe ingarenikini Ejakait; konye kwape ijenia isio, ne.

Do kwana idau ainakin ariamun Naiuniet itoni Nasabiti. Konye do Nasabiti eyapianara keda aiyeng na ebaga, konye ti...kwape ilimokina isio Ejakait abwoun, ngon ngesi essaawa. Mam ber isio ijeni da nu epote alomun ebe ikwaikineti ai. Konye iyuunit ebe itunga lu oyekalu ane keda ikosikanisan (ediope akesi nges eyekalu loalaunit lo Utica, ne eraar Onac Graham Snelling ecokon, keda alo New Albani ne eraar Onac Junie Jackson ecokon, keda bobo kinga oguudo ne eraar Onac Ruddell ecokon), eraas kesi ikanisan lunacan luka eyekalu lo, kitamit isio ayangaun...ikosi tunga toma aimor na ejok keda Kristo. Ngin ngesi alosikinet kosi. Anuangun aseu eong aisiom keda aisanakin nu, akwaarasia adis nu etupakina...

4 Lolo akoto eong einer akou naka akirot ebe: *Inyobo Emoyo Lokalaunan?* Keda akwaar naka amoi, akoto eong alimonokin nu: *Inyobo Ainakinere?* Keda akwaar ana Ikanyet...dodo lu ikamete akiro, mam eong akoto nu ikamunai akwaar kanaIkanyet: *Epone Bo Ali Adumunia Eong Emoyo Lokalaunan?* Keda *Epone Bo Ali Ajenunia Eong Ebe Ejai Ngesi Tomaka?* Aso iwasikini do kwangin, asodete aanyun epone lo ingarenikino Ejakait isio, kanu ana Emukaga keda ana Esabiti. Keda naka Esabiti tupuruc aijanakin naka aitangale, keda ace aijanakin naka alimonokin naka Esabiti kwaare.

Dodo kwani ikoto ngin itunganan amisikin ebe...keda ajeni eong acuman nu ikamete akiro ejaasi aswam agola naokau, keda ikoto atemar ebe, naarae, toma aijanakin kwanat ana, alimonokin, ejaasi itunga lu orioneta lu ikanisan luisisanakita opone lo aiyuun kec, ngin diope akesi. Ejokuka ngun kere. Mam eong akoto aitoronet na aiwe ikinyom luatiakatiaka ane ejaasi inacan. Keda okinga angina airiamuneta, alimonokini bon eong nuka Abeit naka Naiwadikatai kotoma Akirot, naiyuutos inacan luigangitos akairiamuneta. Konye, ne oyekalu, akoto eong einer nu iyuut isio. Konye arai mam ijo imisikinit kes, abuni aiyalamikin adumun ibalua yen cici arai ipapula kane ijai ijo, yeri ejai aingiset toma epone lo iyuutor isio kwangin. Abuni alakari atamakin aitacaun epone lo apedoritor eong odoce.

5 Ijen ijo, ngolikanisa, arai emamete keda aisisianakin, mam do ijo irai ekanisa. Ibusakinit ijo ajaut keda ibore yen ibwoya ijo, ecie epone lo itingit ijo. Keda omam apodokit ne egongakina etunganan arai ekerionget, arai euritai itunganan ngin keda emoyo lo Edeke, erai ngesi onaceka arai inacika, omam apodokit...ipedori oni agelakina oboro ice, kwape elwaniar kide otoma too, konye iringa oni irai inacan. Ido mam eong apedori aswam idio bore konye aitam aingarikin onac ngon anu eidicane, alosit naejok ne ejai Kristo. Ido eyuut eong edio Ekristayot obe, lo abeit ebuni aswam kwapekwangin ne ajai eong.

6 Kwani, engisit eong eyekalu lo...kwani mam oni ilomari toma anu ariamun naeiner iboro icie tai. Akoto eong alomar toma kanu, keda akoto eong yes, keda engisit eong yes aicweyar edio edaraca lo ejai kau kus, keda aitetenaar adio adiakar kere, naarae idolokini nu keda anu ejaasi otawon keda aijar wok kere. Ibusakint oni abunore ne keda alosikinet adiopet naka adumakin iwok imoyon akapakina kanu abongun naka Ejakait, omamei bobo alosikinet ace. Kwani kwape eneritor eong keda alimun, ebe aticepak amina eong aisisianakin arai alimun ibore yen itegelikina mot ane ejai icetunganan, epone lo iyuutotor kesi. Mam eong abunit anu ipegeta, itei ijo, Abunit...Ija isio ne aitemonokin anu abongun naka Ejakait.

7 Keda aomit eong ebe itukot yen yenididi...

Kija lolo eong keda inacan luipejoete keda eong ne ajeni eong, oponitos kaibosio nu egelegela, iyalamia isio ajaut keda akes. Omam abuinikin nu ejaasi kinga kitoni obiina ngina, ejaasi icie lueponitos okinga naka etaun, luokinga, keda obugai ludidik anepekan.

Iyalama isio anu akus ajaut, kiyalama da anukus, arai iminas yes isio ne edolit abunere aipup iboro lu. Edeke...oyangaa ore kede ajo, onaceka, inacika, abar naepedori Edeke abukokin toma otau kon, ngesi akailip.

8 Neejai iyekalu yen didi yen, eyuunit eong ebe eraasi idiolet kotunga alu ejokuka lu eyuut eong ebe ejaasi akwap, elosenenete oyekalu lo. Do kwana mam eong alimunit ebe itunga "kere" luejokuka. Abala eong icie kotunga alu ejokuka kotoma akwap elosenenete oyekalu lo. Konye apaaran keda aparaan, abongonor bobo, ageun airiamun kitoni airiamun, aseseni eong eipud loepol koyekalu kalo, eipud lo epol otoma ke, anu aileleb, arai ajaun akonyen nu Ejakait, aijar naidul, alosit nepepe ka Edeke. Esumun eong kesi aswam nu, awanyun ebe edumunete kesi Aisiiranareta nu kanukec. Keda epol isio ailel ayaun yesi toma keda aimor keda isio otoma Akirot naka Edeke, isisianakini isio keda aitam aitolomun kinga.

Dodo kwana, akwaresia auni nusodit mam isio ilosi aitolomun akou naka akirot alimonokina otoma, konye Aisiiraret nakisisianakina kotoma Akirot naka Edeke.

Keda kwana do, anu, mam eong apedori aicorakint itunganan aswam idio bore yen mam eong apedori aswam elopet. Keda esabiti lo erai Kalvario kotoma aileleba kanuka. Ajai lem eong aapikinit ne-ne ti aiilor, kwape apedoria eong aibikakin ngesi, kitoni eong akou aijangakin . Konye adau eong adakakin ngnikote kere, keda nginibore kere yen ajeni eong, ne ejai Ejakait.

9 Akwaar ya, mot eroko kiding kwaare, aberuka keda eong, aikaulo na anyoun, ailip keda einer ka Ejakait, kajuwai naka iicolong yeikakeje kotoma...agola kosi na oingaren, keda ibaibulin iyarei lu apukoro, apotu esiteteutu akosi wat ane ejai Edeke, anu aijanakin na ileleba, tetere ijali akosikote, keda nginibore kere, keda adio aomisioit naepaarit, anu aijanakin Ejakait Yesu.

Amuno eong ebe erai lem ngin aipupukon, da, naarai iswama ijo da ibore ngipengin. Kwani ne nat ibonguna oni, kiponi oni aibosit nakalaunan, toma otunga lu lem ilipete, keda ailung, kalu esiteteunos, keda aitemokin anu aijanakin ibore ane ejai Edeke. Ido ajeni eong ebe ngin yen ebuni eyarit etengei mam ebongori eyarit etengei, konye ebuni Edeke aitan kede Emugati loka Aijar.

Kwani eroko oni esioma kotoma OitaboKe loalaunan, etuluroto awok akwes apak adio anu ailip.

10 Ejakait, ejai ailip nadaun ainakin kotoma aibosit kana nalolo. Ejauna bobo...ikososinei luka Sion lu awooto ikonidwe. Etonyoun ikecetauon. Ibunit do kwani isio ne aositeteun akosiwat ne ijai Ijo, keda aitir ijo kotoma aidules naka etaun kosi. Iwuta do kwani anyaraikin nu toma aiyitun kon, Ejakait, kwape obu ijo olimuno naiboikinor toma omoru aisisianakin ikesisiak kon, "isirerengitai ngul lu eyarit etengei keda kojakite akure kanuka adolit, naarai ilelebio." Obu Ijo kisumun ngun, Ejakait. Ibunit lolo keda itauon luepukoro. Ibunit, ipupi etengei keda ipupi akure, ido ijeni ebe ibuni Ijo aidar akon aismunet.

Kwapeilosikitor apukor apapulai nualaunak kotoma Obaibuli, asemun nu ejaasi toma ke, oyanga Emoyo lokalaunan kesi toma otau lo anginitunganan. Odoik icokat ngin kwap naidules, aiyuun na ebaraara na itolomuni nginiisumunet na ejai toma Akirot. Opupunai isio, Ejakait, italau isio, igimoroi isio. Arai ejai idiobore yen mam elai ane ija isio, Ejakait, adio adiakar na mam elimoritai, idio bore yen mam edolit, kwapekwana isidedeleu, Ejakait, ibuni alosit kwape kwana asom ngun, imisiki ebe ijari otoma na etoribe loka abongun na Ejakait Yesu. Do kwana, ibunit Edeke Loalaunan, toma otoribe lo EtubeKon lolo, ijai do ingaingaitoi anu aijainio naitetet, keda aositeteunio, ka ailelebio naka Emoyo Lokalaunan toma aijar kosi.

Iseseni do kuani akim naka aisikuaruno ejai amusumusun, kocamak isio kacakakisi akito nu Akirot, tetera acepak inokok Ngin akim naitetet, anu ikositaun adumun akukuranut naileleba. Italaunai isio, Ejakait, keda akon Akirot naetiai keda aKon Aokot, akon Asianut, ingaingaitoi isio. Amalan keda aitirio kere eraunos nuKon. Kolema kere atubonokin luce kotaun kosi. Italaunai isio, Wu Ejakait. Koinakinai isio itauon luelaete, keda akanin nuelaete, aomisio nuelaete, tetere ipedori abunore aiboisikon nakalaunan, akwaar aikaulo akwaar, kalelete ido kelelebasi kede Emoyo kon. Ilipi nu kere Okiror loka Yesu, ido kanukeng. Amen.

11 Epuda asemun Akirot kwapekwana. Do kwana...engisit eong yesi alemun ikus Ibaibulin, ikus ikalamun, akus apapulai, anuka Nuwadikatai. Arai ejai ijo eipud, eraun ibore yen ejok noi. Do kuani iuta ijo adumun Esuula 7 otoma Aswamisio, anu ageunia; abongokin angiset, arai ageun abongonokin angiset: *Inyobo Emoyo Loalaunan?*

Emamei ibore yen itelekari Satana, emamei ibore yen ejauna otoma akwap ber epedori aitelekaar Satana, kwanat kAkirot naka Edeke. Abu Yesu itosom Ngesi kojieKeng eti; kobala ebe, "Iwadikatai..."

12 Ido katupuruc kana, napupio eong, aparasia adis kokau, naiwe akiro koredio natamit ener ebe asubio ebunit kane ejai ekuron lo akusi nepepe, keda ephosphate ece, keda ikee idis lukotoma akwap, keda

ajalam nakakolong ngesi asubuni ikurut yen aijar nakobu itolom aijar. Oumok abangaanut! Opedori aica nakakolong aarar idiokurut kere yen kaijar. Ibwaik ikurut kinga toma aica nakakolong, eyarari atipet. Emamei ibore kuanat angin; konye atamit Satana anangakin ngun ne ajai eong. Akaulo na eong ayangaar ikakoku Rebeka osomero nat tupuruc dodo aijai eong abongun, abu eong ageu agwetakin eredio bobo; aomite do eong ebe adumuni eong iboro ngun bobo, konye abu do eong agweta eredio.

Konye esawa lo alosio eong orot, abu Satana alimok eong, obu otema, "ijeni ijo ebe Etunganan ngol inyaritos yesi Yesu arai etunganan kwape, adiopeparan kaparanike, kwape Billy Graham arai Oral Roberts? Arai ngesi etunganan lo apotu itunga idis ogeutu atukonokin neejai Ngesi keda ageun anyarit ebe erai Etunganan lokapolon, akaulo na apak adio kiyatakin apoloor, araun do edeke mamakec. Dodo kwana esiarakin akwap kere, kwape etuanitor, onangakinete nen."

13 Abu aomom, "Epone lo iraar ijo asabat!" Aso kebelokin do eong nape atubi eong Erot lo Graham. Atemari eong, "Satana ijo lo inerasi keda aka aijen, akoto eong aingit ijo iboro idis: ingaibo ngon lo enerasi inabin luka Iburanian ebe ebuni? Ingaibo Mesia loinyonyoikitai? Inyobo ajai nejai itunga ngul luapotu kogeu tu awanyun Nges eroko euria kosodete alimor aKeijar, ikaru ilukumin kilukumin eroko edoluna ne? Ingaibo ngon lo kobi oge alimor akiro ngun kodoco? Dodo neadolunia, ebakasi ebe, 'koponi imarakinai ngesi keda alu adiakanarak,' aponi Ngesi kimarakinai. 'Aponi Ngesi kimusungai anu awokodiakanareta,' ido aponi Nges kimusungai. 'Kobi kiswama akeilit keda alu abarak, konye abuni Ngesi ajarun, aparan nakiwuniet,' teni kopotu iswamaunos. Abu ngesi isumun Emoyo Loalaunan, teni adum eong. Aso ikosub do ber ijo bala ikunyari awai kanejai Ngin, narai iwadikatai toma Akiröt, ebe nginiKirot erai abeit." Konyouni do. Oinak nges Akiröt, edauni. Mam ngesi epedori abwoikin Akiröt ngin, naaraai iyengakitai.

Ageasi do aisioman naka alolo kotoma Osuula lo 7 Oitabo loka Aswamisio.

Otema Losasedotilopeti atiar, Ikote kerekä akiro ngun nen?

Itunga, ka Iinacan ka Papa, kiirarai; Abu Edeke loka aibuses kotakanik Papaawok Aburaam, nakejaar Mesopotamia, eroko iboikino Karan,

Otema nges atiar, onyou kotoma akwapukon, ka ajenakon, kobi akwap naketodikin.

Kosodi konyou kakwap naka Ikaludean, Kiboikin Karan. Ketwana papake kitonyou Edeke nges kanen kitoni akwap naiboyoto yesi kwana. Kwabo mam keinakinit adioirumet, karaida nekicakkina akeju: konye isumun ainakin ngesi airum, ka aurike naetupanakini, nakerokor ngesi ikoku emamei.

...kinera Edeke nu ikote nen ebe eraun akeur apejonon kotoma akwap naka itunga ice luitubulesenete kes, ikonakinete kes erono apak naka ikar akwat aongan. Kobala Edeke ebe, atubokini eong ateker ngin naitubuleseni kes; akaulo kangun elomunete, kamaete eong kaibois kana. Koinak nges aitutuket naka aikep. Kouri do Aburaam Isaak, kocep kaparan nakikanyetekauni; Isaak kouri Yakob, Yakob da kouri lukapapaawok lutomon ka luare.

14 Kotoma aibois kana, ikoto do kwani oni alomakin awok aisisia, na aomit eong ebe erai aisisianakin naetakani lolo, na...*Inyobo Emoyo Lokalaunan?* Inyobo ngesi? Kwana, do kerekä, ibore yen ainakit eong aseuni aisisianakin na, oupanara kanu, naaraai mam ijo ipedori abunore aijaun Emoyo Lokalaunan arai mam ijo ijeni Nges. Ido mam ijo ijauni Nges, arai ijeni ijo ibore yenerai Ngesi dimikito kiyu ijo ebe ijaikinitai Nges mamakon, ido erai Ngesi kanukon. Kosodi, konyet, mamijo ipedori ajenun arai idum ijo Nges, arai mam, dimikito ijeni ijo naitolomuni Ngesi. Aso arai ijeni ijo ibore yenerai Ngesi, ido eraibo Ngesi kanuka ngai, ido inyo aswamisioit naebuni Ngesi aititolomun arai kebu, kanen do ijenuni ijo inyo idum ijo naidumunia ijo Nges. Isinapikineti do ngun

15 Kwape sek kinerar eong ka onacewok Jeffries ilolo, otema atiar, "epuda eong da ajaun toma ariamun lolo, konye do abuni ajaun akwaar nakamoi." Mam ngesi ajeni ebe aijai ariamun elosi ngaren, naraai mam kipou alimoritos; ane. Onac Leo keda inacan apotu iwadikaikitos ice kopapero kosi alimokin kesi, kokininga na etaun. Naraai amamei aiboisit.

Atema atiar, "Onac Jeffries, arai kijuca ijo eong kwap agwetakin adiopet atanin kon nu akinyet, mam eong amisikit idiobore, aticepak aduori eong ngin. Acepak ejerakini eong elacet lo mam ebeit arai agwetakin acuma namam ebeit. Ibusakinit eong ajenun nuisoma eroko egeuna.

Epone ngopengon ejaar keda aijaun Emoyo Lokalaunan.

Ibusakinit ijo ajenun nuibunitor ijo, epone lodumunet ka inyobo Ngesi.

Nasodit, isumunitai Emoyo Lokalaunan.

16 Ipedori oni adaun isabitin itomon komam... ikunyakit aisisianakin kana, inyobo erai Emoyo Lokalaunan. Konye, nasodit, akoto eong awanyun ebe edulokin ejok kanginikwaar, kasodete do awanyun arai ejas adioingesata.

Idibo kane mam edumunitos Emoyo Lokalaunan, ibatisauna keda Emoyo Lokalaunan? Ikiyasi akuskanin, ijeni ijo ebe mam ber. Kongolia akanin.

Akoto do kwani eong einer ngun, kwape eraar Emoyo Lokalaunan awanyunet naraai erai awanyunet. I misiki oni ebe aisumuneta nu iinakitai oni otoma...Aburaam nges arai Papa lo aisumunet, naaraai abu Edeke oinak aisumunet ne "ejai Aburaam ka Akeur." Awanyunet naerai anu itunga luka aitutuket.

17 Do kerekwa kwana, ejai atiaketait naepol kiding anyaraikina Ekristayot ka Ekristayot lo ileleba Emoyo Lokalaunan. Do kwani ilosi oni alemun kaNuiwadikatai, asodete abiaikin cuticut toma kaNuiwadikatai. Nasodit ejai Ekristayot loelimoro araut Ekristayot, konye arai mam Ekristayot lo ileleikitai Emoyo Lokalaunan, eroko ejai adoketa nu araun Ekristayot. Iteijo? Ibusakinit nges aiyun ngun; kiswamai kagogong anuangan, konye mam Edeke ber einakit nges Emoyo lo loka Emoyo Loalaunan. Eringa nges edolokina adoketait ngin keda Edeke, naecamunia Edeke nges.

18 Naaraai, ebe, abu Edeke iswamau aitutuket keda Aburaam, kedau Ngesi anyaraar Aburaam, ebe naerai aitupuset nanyaraaro naka eyunan lolo.

Abu onyara Aburaam, osodi Aburaam anyoun akwap ke alosit akwap naetegelikina, aiboi keda itunga luegelakina, naerai aitupuset naenyarara Edeke Etunganan aitobwoun akededeng, aitironikin akediakanareta. Ibelokin ngesi anejai ebina ke, aijar keda ebina loitetet, keda itunga luegelegela luitetiak.

Dodo edau Edeke adumun Aburaam kwape lomunot nejai aisumunet na abu Edeke oinakite nges, ebe edumuni ikoku, do toma okoku ngin isirerengio akwap kere, osodi Edeke aitigogong akeiyun keda ainakin nges awanyunet, awanyunet nges akepio. Akepio erai aitupuset naka Emoyo Lokalaunan.

Toma okokoron luetupakinete Osula lokisiomuni oni kwapekwana, arai ikoto ijo aiwadik. Osodi do... Sitepan atemar, otoma okokoro 51:

Yes lueninik imurusinga...lumam ekepitai itauon ka aki, irebiriebete tiritir Emoyo Lokalaunan: kwape eswamaata luka apapaakus, yes da iswamaete kwapekwangin.

19 Akepio erai aitupuset naka Emoyo Lokalaunan. Ido abu Edeke oinak Aburaam awanyunet naka akepio akaulo na ngesi acamun Edeke otoma aisumunet ke abu olot akwap naetegelikina. Iwanyu ijo? Arai aitupuset.

Ka idwe ke kere, ka auri ke ekauloke, ibusakinit ajaut keda awanyunet awat kec, naaraai arai aitegelikinet. Arai anu atiakun kesi otoma otunga luce. Awanyunet na naka akepio.

Ngun nges itosomai Edeke lolo. Erai awanyunet nakepio naka eta, Emoyo Lokalaunan nges einakit Ekanisa loka Edeke eari Ekanisa loetiakuna ane ejaasi aisanakineta nuce kere, aiyuuneta ka iriongeta. Ejaasi toma oriongeta luegelegela, konye eraasi itunga luetiakuna.

20 Oinak eong ener kede etunganan anu idakikan iyarei, alimokini eong ijo arai edumuut Emoyo Lokalaunan arai mam; ijo da ipedori. Etiakunit kesi. Erai emacar. Erai awanyunet. Ido Emoyo Lokalaunan erai awanyunet.

Idiokoku yen obu onger akepio kAitutuket Namojong, na arai etoribe loka Emoyo Lokalaunan, alempio kokiding nakitunga. Mam apedori aimor kaluce obiina lokitunga, arai kenger akepio.

Aso do kituput lolo. Etunganan loengeri adumun Emoyo Lokalaunan, mam epedori aimor kokiding kaluejai Emoyo Lokalaunan. Mam ijo ipedori. Ekot ijo ajaut keda epone.

Totoka ngin amina atemanar, "Akweny nu eputosi akopir etukosi nepepe." Erai alimunet namojong, konye erai nabeit. Mam ijo idumuni aijeleik ka ikuruka emorete nepepe. Inyamat kec egelegela. Ikeceipesio da egelegela. Ikeceipudesia da egelegela.

Kwapekwangin ejaar akwapin keda Ekristayot arai ikepitai ijo keda Emoyo Lokalaunan apolouke, "atubor amuny."

21 Akepio erai anu ikiliok bon. Konye arai edukokina aberu ne ejai ekiliokit, erai do ngesi atutubet ke, ekepitai nepepe kanges. Iiitunit ijo kotoma Timoteo, nebalar, "konye itajario aberu anuka auruun idwe arai esalete kesi toma aiyuun, ka alaunit nepepe kacoit."

Dokwana, akepio. Ijeni ijo ne...Abu Sara kokweni owema okauke, anu aisiraret naka Emalaika, neabalar, "Aburam," mam ejeni ebe Ingaibo ngesi, eboyororon, "aibo ejai akoniberu, Sara?" Epone bani ajenuna ebe kejatar aberu?

Kwape abalar Yesu, "kwape ajaar aparasia nuka Lot, kwapekwangin ejaunor neburun Okoku loka Etunganan." Kiiitu, aanyuneta ngun mam aponi kiswamai ko Sodoma ka Gomora, otoma akwapin, akidngot naka lukidinin. Konye arai nejas luseuna, luenyarautai. Arai Aburaam loanyarautai. Ido akirot ekanisa apolouke "luenyarautai; luegitaritai," Kwa obu Aburaam kogitaror ido akepitai da.

Kosodi do ne akweniara Sara anu aisiiraret naka Emalaika, ti Edeke eyarakit nges nepenen; konye mam ti edeo aitapas Sara komam itapasit Aburaam, narai araasi ipei. Arai atutubet ke. "Mam bobo iraasi iyarei, konye ipei."

22 Aso, akepio, Emoyo Loalaunan lolo ekepi eta. Ido erai aanyunet, aanyunet naeinakitai.

Ajai yen abala apakit ya...akoto eong abongokin nu, mere kwape eyala. Narai erai abeit konye esubit bala eyala. Kwape duc abalar eong mam na erai aiboisit na eyala. Kojai Egirimaniit lodidi West Coast, nepe iuai isio. Obu odum Emoyo Lokalaunan. Ijesar do orot, kolot apak adio, ikeunenei akekanin inera angajepa. Okeri, osomanar, ilulwei, ido ajai aswam, inyikokite kwape kwangin, otema lokapolon ke atiar, "aibo ibunio ijo?" Uh-huh amina eong aibosio ngun nu ibunio ijo. Ebala je, "ebala je aomit ija ijo akidingot atukot naka inaatin."

Kobongok, "iwomit ijo ebe eraasi inaatin (ibangiok)?"

Kotema, "cut, eraasi."

Kotema atiar, "kwangin, ituritete Ejakait anu iinaatin!" obala ebe, "konye ijeni ijo? Iswamaite inaatin ewai loepol." Kotema ebe, "kwape nat, acuman, kilaca ijo inaatin kere awai, isalete do ijo keda atukot na 'egiyamikina kwap.'" Eraasi ngun nukabeit.

23 Itegelikin ijo noi naebunio Emoyo Lokalaunan neijai ijo, kitoni aijen nakwap kana aila ijo, ido koreitos ijo, ido komam cut ekotosi aswam idiobore ka ijo, cut. Irai ijo euriat lo acekwap. Irai ijo kwape emoit, ido ibuni ijo araut emoit irwan atomon adepar emoit lo iraun ijo, arai kilot ijo aibosio nuelwaka nuka amagoron nuka Africa. Itegelikin ijo naebunio Emoyo Lokalaunan, ido erai awanyunet. Erai emacar ane ejiasi itunga.

Kwana, ibala ijo, "ebe, Onac Branham, ebe awanyunet na akepio oponi oinakinai Aburaam?" erai abeit. "Keda ikedwe?" eebo.

24 Mam ace, kilosi kwani apukor Igalatian, Esula 3, ikokoron 29, asodete awanyun epone lo itiroritotor ngun oni. Igalatian 3:29, asodete awanyun epone loepedoria akepio atiror emoit, arai irai oni imo; na kotoma aurio wok kirai oni.

Kwana, nasodit akoto eong asiomun ekokoro lo 16

Aponi olimokinai Aburam aisumuneta keda auri ke da. (Aburam ka auri ke!) Mam inera ebe auriar kon,...

Kwape idio...atamar, "Oh, arai eong da auriar naka Aburaam." Mam. Neejai "Auri," Aur naka Aburaam!

...Mere auriar ke, bala eraasi luipu, dimarai bala erai ediopet, aurikon nges Kristo.

Kristo arai aur naka Aburam. Iyunit ijo ngun? Eebo, alemutu do ekokoro lo 28 keda 29

Emamei Eyudayat karaida Eyonanit, ememei ebulesit arai loijakakai, emamei lokiliokit karaida naberu, naara yesi kere idiopet kotoma Kristo Yesu.

Ido arai iraasi luka Kristo, aso iraas aur naka Aburaam, ikerumak da kwape ejaar aisumunet.

Epone ani iraunor oni "aur Aburaam"? Ajaut toma Kristo, karaunos do aur Aburaam. Araibo inyo aur Aburam? Kwape, imina alototo Iromayon 4 ka aibosio ace da.

Mam Aburaam abu odum aisumunet kedaun aikep ngesi. Aitodiar ebe akepio arai aitupuset, abu odum aisumunet eroke ekepa. Ido arai aitupuset, aanyunet naka acamunio naka aiyunike najatar ngesi eroke ekepa.

25 Kwana, ne ijaar oni toma Kristo, iraun Aur naka Aburaam ido ikerumak nepepe ka Kristo, anuangan arai irai oni luangai, Iyudayat arai Iyonanit.

Aso, "aur naka Aburaam," aur naka Aburaam ejatatar kaiyuun naka Aburaam, lueyangarete Edeke otoma AkirotoKe. Omam epodokinito asilesuke, aitegelikina na eiswamaekc, epone lo inakina Ngesi ijo acupuna noi, iyangari ijo Edeke otoma AkirotoKe omam ipodokit idiobore.

Arai Aburaam ikar akaisakanyarei kanukany, korai Sara akaisakanyape kanukany, apotu oyangasi Edeke otoma AkirotoKe osodete ayangar nginibore yen etepegit Ngin kwape amamiak. Nunyoika do iwomit ijo aomomoete imurok, anua aparaan angin? Nunyoika do iwomit ijo aomomoete itunga, nawanyunata apolon, ikar akaisakanyarei anukany, elosi kiturite Edeke, alosi, "adumun ikoku" ane ejai akeberu, keda ikekuru akaisakanyape kanukany nuamojong, ikaru akaisarei kanukany kodauna do amuno nakaur? Konye, owany, iinakini ijo aswam iboro osubite akwena, aiyuun naka Aburam.

26 Ido kiikepi ijo kede Emoyo Lokalaunan, iswamauni ngipengin nekon. Iinakini ijo aswam iboro lumam ijo

iwomit ti ijo iswama. Iinakin ijo ayangaar aisumunet naka Edeke ka aiyuun Edeke.

Kwana, erai Ngol da, kilema nu araut aisumunet keda aanyunet, erai da Ngesi aipucet da. Kwana alototo Oromayon. Nasodit alototo ber Opeson 4:30, asiomata ber ne anuedakika. Ipeson 4:30 ebala kwana. Kwana ipupi ijo itunga luipu ebakasi iboro luegelegela erasi aipuceta. "Ilot ijo toma okanisa, ijaas ijo keda aipucet naka Ekanisa." Ebakasi bobo ice ebe, "aidar apaaran ace, apak na sabato nges aipucet naka Edeke." Ebakasi bobo ice "Arai iwadikaun ijo araut ediope kotoma orionget ece, ipucakinio do oni toma Akabakanut naka Edeke."

Kwana, ebala Ebaibuli, "oraun nginikirot naka etunganan aingal, ido naEdeke orai Abeit."

27 Kwana, Ipeson 4:30 esioma kwanata:

Ido sirikitadikis Emoyo Lokalaunan loka Edeke, lokolo kipucakini yes aipucet kitoni aparan naka alakuniokus.

Alosi eong aiketakin mot anuka kanu, kaiperikin. Kwana, yes inacan iricakisila ililingikisi ber mot. Iwanyutu? Opotu omisikisi awojau na aipucet kangin? Mere toni aisikwaruno naetupakini, kitoni acepak naemunaror ice bore. "Toni apak nakalakunio kon," ngin nges awojau naka aipucet kon. "Toni apak nakalakunio kon," Naelakunere ijo kuju ajaut nepepe ka Edeke. Ngin nges awojau naipucakini ijo Emoyo Lokalaunan. Mere aisikwaruno kitoni aisikwaruno! Konye anyoun Ikaru kere toni Ikaru kere, ipucakit ijo Emoyo Lokalaunan.

Ngun nges erai Emoyo Lokalaunan, erai Ngol aipucet naka Edeke, ebe adumu nges ijo...idum ijo asianut akonyeneKe, do emina Ngesi ijo, ido iyuunit Ngesi ijo, ebikaki akeipucet kujukon. Inyobo aipucet? Idiotungan...Anukinyo, aipucet itodiari ijo kwape "aswam na edauna." Amen. Etajar ijo Edeke, elonga ijo, etalau ijo, asianiki ijo kosodi aipucakin ijo. Adau ngesi. Iraun ijo iKebore kiton apak nalakuniokon. *Yenipucakinitai* erai ibore yenedauna.

Inyobo Emoyo lokalaunan? Erai awanyunet. Ilosi atiror ngun ekaulo, kotoma Aisiiraret ace, awanyunet nabu Paul kinerite. Angajepa arai awanyunet nejaas luiyunto ka lumam iyunto da.

28 Kwana koany, konye, kotoma anu, erai Emoyo Lokalaunan awanyunet. Abala eong...ebe Emoyo Lokalaunan erai aipucet. Erai awanyunet nabu Edeke koinak ikedwe luseuna. Ainger Nges, eraun alemar kotoma otunga ngul; aijaun nges, eraun alemar kakwap keda iboro kere luka akwap, ka araun ibore yen adau Edeke abikakin aipucet naitigogong.

Eswamaenenei sek eong aluere keda Harry Waterberry, atapit isio aloesen ajesa ainap iboro amotokan. Onaceka, Doc, ngol ebwoi kokau, engarenikin ainap iboro amotokan. Naenapere iboro amotoka, ajai bobo kes airereor amotoka ngin, awanyanaran, do edumun idiobore yen ejarakina, nepedoria aibiror ido abwang, arai idiobore amunar; mam ecamuni aipucakin amotoka ngin kitoni ne inapakinere iboro ngun ejok amotoka, kitoni ne inapakinere nginibore toma aboisitike, komam bobo aijangijanga na emotoka epedori amunamun iboro korot.

29 Ngin nges ationis einakit oni mam idumuni aipucakinio noi; ijajilalar oni iboro. Nairimoria Ekemaniman, awanyanar akonijar, anu awanyun ebe mam iboro ijajilalare, ijajilalar ailip, ijajilalar anyunyura, ajajjalilalar angajep, aisiom Luce, mam cut ipucakini amotoka. Anaikineta nuarokok, aswam iboro taitai, aidac einer, mam cut ipucakini amotoka ngin.

Konye edumu nges nginibore kotoma aiboisitike, Ekemaniman, ipucakini do Ngol ngin. Otamak idiotungan apukor aipucet ngin eroko amotoka ngin edolo kiton nepucakitai nges adolore! Nes nen. "Sirikitiro inyonyoikina Kang; siriswamak Ikanabin adiotonis. Atemari ijo atiar, adolit do awenikin akukuse omorosingikon, do aitulumor ijo kwap nakangolol, itia aituguikin arai aijangakin idiope kalu okwap kaluipucakinitai." Owany akepolou?

30 Ngun nges erai Emoyo Lokalaunan. Erai aitigogonget kon. Erai ayuara kon. Erai ajenan kon. Erai aipucet kon. Erai awanyunet kon, ebe, "aloton Akuj. Mam ipodo nuebala satana! Arai eong aloton kuju. Anuinyo? Abu Ngol epucak eong. Abu inak eong Ngol. Abu epucak eong toma Akabakanut ke. Arai eong loalosi-Aibuses! Inyekik ikwamin okutata, inyekik satana da iswama nuekot. Adau Edeke aipucakin eong kitoni aparan nakalakuniokang." Amen! Ngun nges erai Emoyo Lokalaunan. Oh ibusakinit ijo aipudakin Ngesi. Mam eong apedori alosit komamei Ngesi. Iyataska ti nuipedori alimun anen, konye acamuut eong ebe imisikitos yesi nuenera eong.

31 Kwana, bobo, apukosi ber oni Yokana 14, otoma odakiika ediope. Amina eong Akirot! Erai ngesi Abeit.

Kwana, Emoyo lo Edeke, Emoyo Lokalaunan, Inyobo Emoyo Lokalaunan? Erai Emoyo loka Kristo kotomakon. Kwana, eringa oni esiomuna, akoto ber eong alimun akiro adis ane. Inyobo Emoyo Lokalaunan? Erai Aipucet. Inyobo Emoyo Lokalaunan? Erai Aitutuket. Inyobo Emoyo Lokalaunan? Erai Awanyunet. Inyobo Emoyo Lokalaunan? Erai...Emoyo lo Yesu Kristo kotomakon. Iwanyu ijo? "Apak

naedit, "abala Yesu, "mam bobo akwapin kaanyunete eong; konye yes iwanyunete eong, narai ajaun nepepe ka yes, toma kus da, paka awasia naka Akwap."

32 Emoyo loka Edeke kotoma OkanisaKe!

Anubo inyo? Anubo inyo iswamator Ngesi ngun? Erasi nu adis kotoma aisia kana moi kware. Konye anubo inyo iswamator Ngesi ngun? Inyobo eswama nges, inyobo eswama Emoyo Lokalaunan...inyobo, inyobo abunitor Ngesi? Kanubo inyo ebunitor Ngesi neijai ijo, kanubinyo ebunitor Ngesi neajai eong? Erai anu ainyikokin aswamisio nuka Edeke.

"Eswamai duc eong ngun nuisialamikinete Papa. Mam eong abunit aswam akoteKa, konye naka PapaKa loejukuni eong. Do kwani Papa lo ejukuni Eong ejai Kaeong; kwape kejukunia eong Papaka, Eong da ejukari yesi." Oh, ikang!

Abu Papa kijuk nges, olosi kotomaKe. Papa loabu ijuk Yesu abukobu otomaKe, iswamai kotomaKe.

Yesu loiukari yesi, iuparos keda yes kotomakus. Ido arai erai Emoyo ngon, ajari otoma Yesu Kristo, abu oinak ngesi aswam iboro kwa obu iswama, imisikini do ijo eipone loebunio Ngesi aswam nejaar tomakon, naarai mam aijar ngin ijula. Elosi Ngesi akuan adiope kitoni akuan adiopet, konye mam ijulakini eKepone, naarai erai Ngesi Edeke.

33 Dokwana kotoma Yokana 14, asiomutu ber ipak idio, agear okokoron 10.

Mam kereka jo iyuunit ebe ajai toma Papa, Papa da tomakang? Akiro nuabala yes mam enera kanukang bon; konye Papa loiboie tomakang iiswamai akeswamisio.

Kiyuunai ebe ajai eong toma Papa, Papa da tomakang; arai mere kwangin, kiyuunai anuka aswamisio akulepek.

Abeit, Abeit, atemari yes atiar, Yenikeyuuni eong, iswamai ngesi da aswamisio nueswamai eong; iswamai da aswamisio nuitelekarito ngun naarai alosi neejai Papa.

Mam ijo iwany? Owany epone lo ebalar nges angina? Aso osesen nu, epone lo alomunia na. Akoto eong aiyatakin aisiom ngaren mot. Ilosi oni aisiom kwap okokoro lo 20. "Akirot kere nailipete ko..." aso awanyutu, ajatatar... eeba. Uh-huh. Cut.

Akirot kere nailipete kokirorika, eswamai ngin, tetere itopolorio Papa kotoma Okoku.

Arai kilipa akirot kere Kokirorika eswamai ngin. Arai kiminas eong, iricete akaicorekineta. Eong da elipi Papa, (aso iite) kiinakini ngesi yes Ekayuunan ece, tetere ejaenena kayes ikar kere,

Nges Emoyo lokabeit, lomam epedorete akwapin adumun; naarai mam eanyunete nges karaida ajenun; ijenete yes nges; naarai esalit mam kus, ajaenena da tomakus.

34 Ingaibo ber Emoyo ngol? Inyobo Emoyo Lokalaunan? Erai Kristo kotoma kon. Ekayuunan, nges Emoyo Lokalaunan. "Naebunio Ekayuunan, isomai iboro ngupongun luesomat eong ejai Ekayuunan tomaka. Elipi Papa, inakin ijo Ekayuunan lo. Ijeni ijo Ekayuunan. Mam akwapin ejenete Ngesi, ido mam ejenunete. Konye ijenete Nges naarai iboie kwana kotoma kus," enera Yesu "konye ejaun tomakus. "Iwany do ijo, Ngol nges Ekayuunan, "ejaun tomakon."

Mam eong ajalakini yes iraas ikokiok: abuni nekus.

"Mam cut..." kwana, Ngol nges Ekayuunan, Kristo. Ngol nges erai Emoyo Lokalaunan, nges Kristo.

Apak edit, mam kaanyunete bobo akwapin; konye yes kianyunete; naarai ajari eong, yes...da ijarete.

Oh, ipedori oni alosit komam abwoun; konye, kojen. Inyobo ngesi? Erai Aipucet, Erai Awanyunet, Erai Ekayuunan. Owany nuerai Ngesi kere? Aur naka Aburaam irumuni Nges.

35 Kwana ajenutu ber bobo ebe...inyo bobo icebore yenerai Ekayuunan. Alototo Yokana losodit 16:7, koany arai mam erai Ekapuron, da. Ijeni ijo ibore yenerai Ekapuron, aiswauna Ekapuron. Ijaatar oni kede Ekapuron ijeni oni ibore ngun. Yokana losodit esula lo 16...Oh, idarek mot, itimitos. Yokana Ejiri Esula 16... Oh, idarek mot, itimitos. Yokana Ejiri, erai 16:7. Itimitos. Itimitos noi naarai alimu eong ngun. Asiounit eong ngun erono otoma...adum 16:7

Konye eong kalimokini yes abeit; ejok kamakus arai kalot eong, naarai arai mam alosi mam ebuni Ekayuunan mama ijaas; konye arai alosi ejukuni nges mama kus. Kebu ngol, ilepilepi ngesi akwapin kanuka aronis ka adolit, ka etube da.

Aronis, naarai mam keyuunito eong;

Adolit, naarai alosi mama ejai Papa, mam bobo kianyunete;

Ka etube da, naarai adaun lokapolon loka akwapin atubokin.

36 Kwana, Ekapuron, nejai Yokana losodit 2:12. Aso kosiom, idareu mot, Yokana losodit 2:12. Itimo, Yokana losodit...1 keda 2, ewadikat eong nu sek, Yokana losodit 2:1 kitoni 2.

Ikadwe ludidik, kewadikakini yes nu kinyes adiakar. Arai kediaka itunganan ejai oni ekapuron neejai Papa, Yesu Kristo ekadoliton;

Ingaibo Ekapuron? Yesu Kristo ekadoliton.

Erai ngesi alucet naka adiakanareta wok, kwabo mere kanuok bonik, konye kanuka akwapin kere da.

Inyobo Emoyo lakalaunan? Erai Ekapuron. Inyobo iswamai...Inyobo Ekapurokinan? Inyobo akeswam? Iswamauni ekapuron. Ejaatar kaitim. Ebwoi Ngesi kaboisitikon. Iswamai iboro lumam ijo ipedori aswam. Erai alucet nakadiakarikon. Erai akonidolit. Erai angaleukon. Erai akonAijar. Erai akonajarun. Erai nuekotor ijo Edeke kere. Erai Ekapuronikon.

37 Epone loipedoria oni alomar toma aidules kangun kasodete aitacaun ejok, epone loingangaa Ngesi kanu amamus aijenewok. Aceparasia nu...kidumu oni Emoyo Lokalaunan, kanu amamus aijen kigetanar oni oboro ice. Ejai Emoyo Lokalaunan kanu aipur kanuok. Erai Ekapuron wok. Abwoikiniton wok...Erai Epulida wok. Ebwoi ngesi kanen aingainga kanuok. Mam oni ingaingai kanuok, naarai Emoyo Lokalaunan kotomawok ngesi kingaingaanakini oni. Emoyo Lokalaunan kiinakini nuinera, acepak keda akiro numam ijo ipedori amisikin, ejai Ngesi ingaingaitoi kanuok. Ngol nges erai Emoyo Lokalaunan.

Nalosio eong nejai idiobore, alosi eong bala ikoku yen didi; ilosi ijo bala ikoku yen edit. Kilosi oni kotoma akwap naemutono naileleba lukasurupo, ileleba adiakar, ileleba atacin, ileleba iboro kere.

Ibalia ijo, "Oh, akuriana eong. Akuriana eong aijar na Ekristayone. Akuriana eong aswam *nu*. Akuriana eong eswamai eong *nu*."

Mam ikuriana. Ejai oni Ekapuron. Amen. Oh, ebwoi keda oni. Ejai tomawok, ido ingaingai kanuok. Emoyo Lokalaunan, amearit, amearit aipur kanuok, ngolisawa. Erai ngesi Ekapuron wok. Oh imalai oni Edeke anuangan!

Aipucet, awanyunet, Emoyo loka Aijar, Edeke loka Akuj, Ekayuunan, Aijar, Ekapuron. Inyobo Ngesi? Oh, ika! Ipedori oni adaun isawan kanupo kanu.

38 Ilosi do kwana aijulakin anuedakika. Dokwana ikoto do ber aingit...

Isumunitai oni apakio nuawasia! Ekapuron lo, aipucet, aisumunet, nginibore kere yen kiner oni kanuke lolo isumunitai, adepar irwan ilukumin itomon, aponi Ngol kitaraunai aisumunet neijai oni kaparasia nuawasia.

Amameatar kesi kaNgol kapaaran kangin. Ajatar kesi kaipucet akuan bon, kwape ejenunet ka awanyunet, kiyunitos ebe ebuni, olosenenete otoribe loka ekisil. Loaponi kokepere kesi kotoma akuan.

Lolo mam bobo ilosi otoribe loka ekisil. Ilosi kotoma apedor naka ajarun. Ilosi keda apedor naka Emoyo, loerai aipucet wok nakabeit, Ekapuron wok lokabeit, Ekayuunan lokabeit, awanyunet wok nakabeit naurunere oni koKuju; itegelikina, itunga luitegelikina, iswamaete iboro kopone loekwenare, oyangaritos Edeke kotoma AkirotoKe, onyaritos nginibore kere mam edolit. Akirot naka Edeke edolit. Ngun... Oh, ika! Ngun nges erai Emoyo Lokalaunan.

39 Ipudakin ijo nges? Iminakini ijo da akotokin Nges? [Ebala atukot, "Amen." -Ekewa.] Awanyutu karai kisumunitai.

Abongos kau nejai Isaia, Eitabo loka Isaia. Alemutu Esuula 28 loka Isaia. Ilosi kwani nejai Isaia 28, ilosi agear keda... ayangasi ekokoro lo 8, owany nuebala, ikaru akwatakanyarei kitomonarei eriko Ngol kedoluna.

Kipedori einer nuipu kanu, abongosi kau, kau noi cut, konye ageasi kanepekan asodete awanyun arai kisumunitai Ekanisa. Aparan bo ani abeitor Ngesi abunore? Apakio nuka awasia, nejaar amunaar. Iyitu kwana, Akirot ejai inera nuipui, "aparasia," aparasia aarei nukawasia, ikar ilukumin iyarei luawasia.

Dodo, ikokoron 8.

Kere naarai ileleba imesan kere...ka amodokok, emamei aibois naelai.

Kirereo ber ijo lolo kanu awanyun ngun. Kongic kosodi awanyun arai ijai oni aparan ngin. "Imesan kere!" inyo, elosete toma omeesa loKa Ejakait, ibore yenisodit, okokoro lo iboro, olema atutubet naemugati loebenen arai arapetait esoda, abwangabwang kanu aiswauna eidicane. Kwabo korai ngn

loiswamaao keda akanin nuka Emoyo Lokalaunan, keda emugati lomam itubunitai. Mam Kristo ibakatat keda amodokok, ido ngol ebwoikit Ngesi.

Ice bore, einanikinete itunga luamatak ajon, asabak, ikokolak, amatak esigala, anyaka, (whew!) idiobore kere, bon ebe eraasi kesi luokanisa. Elwana anen! Arai kenyam etunganan esawa lo inyamia oni kane, iyengari ngesi ka aimat da atubokinio, mam emisikit Akuan naka Ejakait. Arai mam ngesi epedori aijar aijar ngin, kikunyarite awai kanen.

Bobo da arai mam ijo inyami nges, itodunit ngin ebe akoniwomisio itelekarito akiro. "Ngin yen mam enyami, emamei atutubet kaneka," ebala Yesu.

40 Konye imesan kere luka Ejakait elelebun amodokok. Emamei adioiboisit naelai. Opupok, arai mam eputosi kalolo?

Lukangai isisianakinai aijen?

Lukangai inakini ngesi amisikin aisisianakineta?

...*Ingai bo emisikin aijen?...ingaibo einakini ngesi amisikin aisisianakineta?...*

"Eeh, isirereng Edeke, arai eong lorionget (Presbyterian, Methodist, Pentecostal, Nazarene, Pilgrim Holiness.)"

Mam ngin erai ibore kanejai Edeke; emesa ngon ece.

41 ...*ingai bo ainakini eong ajenun aisisianakin?...*

Aisisianakin naepone kani; nairioneta (Methodist, Baptist, Presbyterian, Pentecostal)? Asisianakin naka Ebaibuli?

...*ingai bo ainakini eong ajenun aisisianakineta?...*

Epone bani ijenumiajoe ebe adum eong? Idolokini oni ngun naikanyet kwaare. Owany?

...*ingai bo ainakini eong ajenun aisisianakin? (Aso kosesen) Ngun ca luajakaar kakile, lualemar kokisin?*

Idwe ludidik ebalasi, "kwana, alosi eong okanisa, totoka arai naka okanisa kalo." Mam eong etoronit ngun, onac luminat. Amisiik eong ebe eutai aikam nu. Mam ngun ace, korai ijo loko okanisa atoto. Konye, opupok, alosenenei toto aica adiopet, ilosi ijo kotoma ace

Abu Luther kolosenene kotoma aica adiopet; kolosenen Wesley da kotoma ace. Abu Wesley kolosenen kotoma aica adiopet; kolosenen Pentekoti kotoma ace. Konye kilosi oni kadoletait naikiara adepar ngin lolo. Do arai ejai atur ace, ikiar adepar naok.

42 Kolo apaarasia ace kokau, nalalar ibore, olal noi, abu Luther isisianik aitojokio kanuka aiyuun. Arai ngin airiun itunga kotoma Otulikane alomar ogeresan toma aimor kotoma Akirot. Aitojokio kanuka aiyuun, arai ngin ibore yen epajajai noi. Mam apotu ikunyakisi kanen.

Kobuni do bobo aisikwarunio ace nanyaritai John Wesley. Kobu ijangu kesi kwap kanen, kiriuni kes kwap aitalaunio, ejare loejok, loelai, kolaunite, abu ngin ijangijang noi asisianakin naka Luther.

43 Kobuni Pentekoti da keda batismu naka Emoyo Lokalaunan, kosodi aridakin ngin acunakin, kanu aijaun Emoyo Lokalaunan. Abeit ngin.

Kogeunete do ngun aijangijangun kwap. Do ainakineta, ainyakakinio, abu Emoyo Loka Edeke toma, kotoma aileleba naka awanyuneta ka aumokineta, toma Okanisa, ejangijang ngin Pentekoti. Inyo? Idudungit kwani abongun naka Ejakait Yesu, kitoni Emoyo ngopengon loajai tomaKe iswamai Okanisa, kiswamai iboro ngupengun luesomaenenei Ngesi ejai akwap. Mam ejaunar nenidio, anyoun kolo apakio nuka iyakia kitoni lolo.

Anuinyo? Koany, ipajajai; koridakin, koridakin, koridakin. Anuboinyo? Kwape ebunio akanikon otoribe; apoto, apoto, apoto. Konye anuinyo? Erai ailoreunet. Ingaibo Luther? Ailoreunet naka Kristo. Ingaibo Wesley? Ailoreunet naka Kristo.

Koany, angetakin aturi na Billy Sunday. Apak ya, apolon Dr. Whitney, elimonokitor opulupit kalopekalo, loawasia lokosomero lomojong, atwana, aomit nepetai ikaru akaisakanyangon. Arai Billy Sunday ekalimonokinan loaisikwaruno mama ejaas ikanisan luebakai ebe kotoma apak ke. Mam awai akiro aiwa; abwoi aiworo, "yes luka Methodists konyoutu, yes kere ikalimonokinak! Yes Ibatisayon konyoutu! Yes Presbyterians!" awai akiro aiwa. Arai ngol Billy Graham loka alolo.

44 Koany. Apak ngipengin, ajai ekanisa loebakai ebe keda akeisikwarunio, anyoika opotu kotakanutu? Lu

Full Gospel da ajaas aisikwarunio. Kopote konye inacan luka Bosworth, Smith Wigglesworth, ka Dr. Price, Aimee Mcpherson, ngul kere.

Koany, adope kwaar abu Smith Wigglesworth kotwana. Kotwani Dr. Price da tupuruc. Toma osawan akaisarei kanuwongan ajai eong kinga alimonokin.

Kwana euta enangeka aikunyun. Itei ber ijo...mam bobo Billy Graham epupo noi. Mam Oral Roberts da epupo. Etei eong akairiamuneta itoribeikinete. Inyobo erono? Ijai oni awasia, atur ace.

Epone ani abunio Billy Sunday, kaluce? Alomunete acaulo naka aisikwaruno ke Moody. Iwori bo abunio Moody? Nape edaun aisikwaruno Knox. Iwori bo abunio Knox? Nape edaun aisikwaruno Finney. Finney acaul Calvin, Calvin acaul...Do, Wesley, keda Wesley acaul Luther. Kobuni atur kwap elelei. Nape engetakinor asikwarunet adiopet, ikeuni Edeke ace kiyatakini Aica toma; iyatakin alosit kwapekwangin.

45 Kwana ijai awasia napak kana. Nginitunganan ete angeset naka akeiriamet anuabongun naka Kristo, konye ajaasi kesi kanuipu aiteikit; aibong naka Iyudayan, awanyuneta nueporitos kokuju, I boro kere luitei oni lolo. Konye ijai awasia. Ijai ne kwana. Ajenete kesi ebe edumuni Ekanisa apedor naisomai kOkanisa aswamisio nupe eswamai Kristo, naaraai kwape iyatakinia eteribe airionun cuc ido cuc, iyatakin ailoreke acaun.

Koany ber ijo etolim. Ikunya ijo awai naka etolim, aputo naidumuni ijo ecaulo, ikunyi etolim ikunyi kitoni ekitoi kede etolim araun idiope bore.

46 Kwana, esoma Emoyo loka Edeke kotoma aitojokio, kaneejai Luther; aitalaunio, kane ejai Wesley; aibatisao naka Emoyo Lokalaunan kotoma pentekost; kane ejai Ngol kapaarasia nakawasia, iswamai iboro ngupengun luesomai ejai toma Kristo. Inyobo? Ekanisa ka Kristo araunos idiope.

Naerucokinitor nepepe, akodakinet nawasia itotori Nges odouon, kiworoi. Kobuni Wesley, Luther kaluce kere luapakio kangun, "losodit eraun lokawasia, do ngon loawasia araun losodit," obuni do ajarun.

Ijai apak nakawasia. Kiira, ngun nges iswamai Emoyo Lokalaunan. Emoyo Lokalaunan, kotoma aitojokio, iteijo, ecai eteribe mot; Emoyo Lokalaunan kotoma aitalaunio, iyatakin eteribe atakanun; toma aibatisao naka Emoyo Lokalaunan, ideleleuni eteribe; kwana do abu Emoyo Lokalaunan, kanuka ainyakakinio naka EtungananeKe obe kotoma kane, iswamai awanyuneta keda aumonokineta kwape esomaa kolo ageunet. Whew! Aibuses! Inyaraete eong "loalaunan-loibelibelo," ediopone kere, ejok bala kogea da kopekwana.

47 Kopupokisi, inacan, kopupokisi nu.

...ileleba imesankere kalekan...emamei aibois naelai.

Lukangai isisanakinini ngesi aijen?...lukangai da itijenikini, amisikin aisanakineta? Ngul ca luejakaar kakile, lualemar kokisin?

Mam erai idwe ludidik, idwe lu Presbyterian, idwe lu Methodist, idwe lu Pentikotin, idwe lu Lutheran, idwe lu Nazarene. Ipuda ngesi itunganan yen ekapakina alemar kokisin anu ainyam inyamat luenyakao. Kolomuni do kanen:

Naarai aicorakinet neejai aicorakinet,...aicorakinet neejai aicorakinet;

ekokoro neejai ekokoro,...ekokoro neejai ekokoro;

lailo adis, laije da adis.

Mam, konye kotunga luka aituke numo,

ka luka angajep ace,

Elimokini Ejakait ateker na:

Naabu ngesi kotema atiar,

"Na nges aibworar,

Kisibworasi yes ngin yenepasit;

Na nges aikwarun":

Konye kongeroto akiirar.

Emoyo Lokalaunan, arai mam ngon arai eipone loabu kobunio Kaparan naka Pentekoti, nadwaritai ikar akwatakanyarei keda itomon karei eriko kedoluna! Eloo Kaparan naka Pentekoti, kobuni epone ngopengon.

48 Abu ituan kotema, "aidar apaaran naka sabato." Mam eong angerit arai ejwalaunit ekanisa lo idiotunganan arai ediini. Konye abala, "Apaaran na sabato, asabato naka Edeke nges apaaran nakaibworar"

Apaaran nakaibworar nges ngin. Kosodi atiar, "aibworar nges nata, einakini luitegito aibworar." Nges ngin. Amen! "Koraun do aicorakinet neejai aicorakinet, ekokoro neejai ekokoro."ngin ngesi aibworar. Inyobo Emoyo Lokalaunan? Aibworar. Oh!

*Kopotu neajai,yes kere luitaaritos ka
lukilangirikinito, eong da kesiyenguni yes*

Ingaibo Ngesi? Loebuni neejai ijo, koinakini ijo ainapakin; akon awanyunet, Ekayuunan kon, kisinapikini, toma aibworar, ipucakinitai.

Biaibo ijo...? Erai awanyunet; ejenuni akwap da ebe atakanaki ijo icebore. Inyobo? Erai Ekayuunan. Inyobo? aipucet. Ijai ijo toma aibworar. Idum ijo...erai ekapuron kon. Karai etakaniki ijo ecebore, ejau bobo icebore yen ebuni apurokin anukon katipet, owany, ainakin aingaingaeta. Erai Emoyo loka Edeke ejari kotoma Okanisa, edwaritai cut kodoco nueraun ngesi naebunio. Emamuun enange, aibworar naka Ikar kere.

49 Abu Edeke kosub akwap. Iburanian, Esula 4. "Kosub Edeke akwap, kosodi aibworar kapaaran nakikanyetekaarei." Eraas ngun nuabeit.

Kobonguni bobo apaaran nakikanyetekauni, koinakin iyudayan ngin kwape aitutuket, anuapak. Eraas ngun nuabeit. Konye elosete aibworar adiope paaran; kobongorete bobo, apaaran nasodit kosabiti, ogeari bobo agear, itet, ogeari bobo. Mam ngin arai aibworar naenerit Edeke.

Iswama Edeke akwap kotoma apaarsia akanyape, nalousio aibworar, abu kibwora cut. Eraasi ngun abeit. Konangakini nen. Mam abu kobong apaaran nakikanyetekauni do agear bobo.

Arai etoribe bon. Kwana, arai aitupuset, kwanat elap keda akolong; konye naekeunor akolong, mam bobo ipudakin elap. Kwani owany nu, Oh, toma Apukokinio 11, "Aberu keda elap kwap nakakejeke, ka akolong kotoma akou ke." Oh, ipedori oni adaun ebaibuli kere, ageun apapula kitoni apapula, kanu aitodikin ijo. Iwany?

50 konye inyobo? Na, ebalar ebaibuli kotoma Iburanian Esuula 4, "Karai Yesu koinakite kes apaaran naibworar, ti bobo inerit ngun ekaulo. Ti inerit bobo apaaran naibworar." Apaaran bodo ani kibu Ngesi kinerite, aibworar?

*Kopotu neajai, yes kere luitaaritos ka
lukilangirikinito, eong da kesiyenguni yes.*

Matayo Esuula 11, ikokoron 22...kosesen do, iwanyuni oni ebe naibunio oni nejai Ngesi, "Naarai nges," ebakasi Iburanian 4, "yen aloma toma aibworar naka Yesu, eyengu kotoma asomisiode nuakwap, kwape abu Edeke kanuKe," nakesubia akwap, mam abongor bobo nen. Aojaun naetiai? [Ekunguki Onac Branham epulupit irwan auni-Ekewa.] Ipucakit bo ijo Emoyo Lokalaunan aojaun naetiai? "Kitoni apaaran nakalakuniokon." Engin kanen aibworar ngin, ainapikin, Apuron, aipucet, Alakunan Oh! [Ebapaki Onac Branham akekanin irwan atipet.] Einakit eong alakanar, bala einakit eong arereng. Oh!

51 "Konye isumunitai kereke Ngol anuok, Onac Branham? Konye itigogongit Ebaibuli?"

Kwani, aloto neejai Yoel, awanyutu nuebala Yoel kanuka Ngol.

Epone loepolor eong aiyalama kanu Akirot naka Edeke naisirerengitai! Imina ijo nges? [Ebala atukot, "Amen."-Ekewa.] Aomit eong korai mam erai kanu Akirot, mam ti eong ajeni neibwoya oni. Erai abeit.

Ijai kwani oni Yoel. Ilosi kwani neejai Yoel, Esuula lo 2 kotoma Yoel, ilosi agear okokoro lo 28. Yoel 2:28, ikar akwatakanyauni eriko abunore naka Kristo, enaabi kotoma Omoyo. Aso kopupok.

*Kosodi kanen akaulo kangun,
abukoni ekamoyo kere luejaasi awat;
edwarete idwekus lusap ka luplesur,
irujaete ikusimakio airujasia,
eanyunete ikusikatumunak aitapoeta:
Boboda kapaarsia kanu...*

abukokini ekamoyo kotoma apaarasia ngun obulesinika ka abulesitika

Etodikini nukaumokin toma akuj, kotoma akwap da, aokot,...akim, ka ipirin luka apuru.

Eluor akolong amuton, ka elap da araun aokot, koringa edoluna apaaran nakos ka...nakangosibib naka EJAKAIT. Kosodi kanen, itajaruunos kere luiwoneete ekiror loka EJAKAIT;

52 Ngun...Oh! Inyo? Yoel! Iwany ijo? Toma Aswamisio 2, Abu Petero kolem ekokoro ngopengon, kotema "Yes ikiliok luka Yudaya, kopuputu akakiro. Mam itunga lu emeras,"tunga luipucakinitai lu, luisinapikinitai, luiitegelikina, luadumutu ejenunet. "Mam emeras, kwape iwomitotor yesi," Aswamisio 2, "naarai eraas isawn iuni luka apaaran, Konye erai na naenerit enabi Yoel, ebe, ejaun kapaarasia nukawasia abukokini awat kere ekamoyo."

Inyobo Ngol, Inyobo Emoyo Lokalaunan? Eebo, aso kamisikisi bobo, isumunitere eyuunak, nges erai Ngesi. Do kwana, Emoyo Lokalaunan lo, ijenuuni oni nuerai Ngesi, kodakika ediope. Ingaibo isumunikita? Eyuunak.

Do kwana aloto neejai Luka esuula 24 loka Luka, kopupok nuabu Yesu kolim kotoma akiroKe nukawasia eringo kenyouno kotoma akwap. Luka esuula 24. Do kwana yes luiwadikaete igirakisi nen, do yes aisiom moi edumun apak. Do kwana Luka 24:49, opupoki inera Yesu. Kawasia, na adokaria kuju toma Aibus, adokar kuju, nu kes akiro nuobu kolimok iKekesiak.

...koany, kejukakini yes aismunet naka Papaka...

Aismunet bo ani? Aipucet ngin, awanyunet ngin, ekesinapikinan ngol, kere iboro luener eong, irwan ilukumin kadepar.

...kejukakini yes aismunet naka Papaka:...

Aismunet bo ani? "Na obu Isaia inerite ebe ebuni, 'Luka aituke numo, ka luka angajep ace, alimokini eong ateker na.' Ejukakin aibworar ngin nejas. Ejukakini nuabu Yoel kinerite, ebe, 'kosodi kanen akaulo kangun, apaarasia nuawasia, ebala Edeke, abukokini Ekamoyo kere nejaasi yes.' Oh, ejukakini yes, kasodete aitituluor lukatekerin, itunga kere, ageun koYerusalem...ayangauni do Eong auri naka Aburam toma aitutuket na. Epucakini nginidiope kakesi. Koany, abukokini Ekamoyo."

...kejukakini yes aismunet naka papaka: konye kiboikinos ore, akepolou kidarekisi ore Yerusalem, aitadol nekitanapere yes apedor naebuni kokuju.

53 Inyobo do Emoyo Lokalaunan? "Apedor naebuni kokuju!" Mere apedor naebuni kane ejai ebishop, mere apedor na okanisa. Konye, "Apedor naebuni kokuju!"

Epone bo ani abunio Apedor ngin? Toma "araun yen okanisa"?Kotamak cani ijo aswam ngun, kotema ebe edolit ngin. Kanu "araun yen okanisa, ayogan ekalimonokinan"? Mam, ipa. Kwana, ne ijaasi Itulikan, "aimielun angajep aige ainyam emugati losodit"? Mam, ipa.

Epone bo ani abunio Ngin, Apedor nakotoma Akuj? Eyatakisi aisiom. Aloto Aswamisio 1:8. Etukonokinos kesi nepepe kwana. Inerasi kesi nuka Yesu kane, kotukokina nepepe, keda odautos asipokin ediope ayangaari aibosit Iyuda. Aswamisio 1:8.

Konye idumunete agogong kedau Emoyo Lokalaunan adoikin yes:...

Inyo? "Iraun ijo idiope kalu Okanisa loa Branham"? Mam. "Iraun ijo idiope kalu okanisa lo Methodist, okanisa lo Atulik, alo Presbyterian"? Mere kwangin, kotoma Obaibuli. Eraasi ngun asisianakineta-nuitunga.

"Konye idumunete agogong akaulo nairaunotor ikalimonokinak"? Mam, ipa. "Idumunete agogong akaulo adumun ediguri"? Mam, ipa. "Apedor akaulo adumun ekon DD"? Mam, ipa. "Idumunete apedor akaulo na aibatisaun akipi"? Mam, ipa. "Idumunete apedor akaulo na anyamar emugati losodit"? Mam, ipa. Koany eraasi ngun kere iboro-luiswamaunit etunganan.

54 Kopupok nuabala, ebaibuli, nuabala Yesu.

...konye idumunete agogong edau Emoyo Lokalaunan adoikin yes; (Inyobo Emoyo Lokalaunan? Apedor) konyet do, akaulo kanu, iraunete yesi ikajenak...("Yesi itomonkarei, itijenarete ko Yerusalem"?)... iraunete yesi ikajenak kotoma Yerusalem,...Yudaya,...Samaria, kitoni osange da loka akwap." (ne mam ber edolokitere.)

Kedau einer ngun,... nape eroko esesenete ngesi, kodakarai, iteribo edou kakonyenekec.

Kwana apukosi apapula naetupakit, kosesen adwarasia nu epote aitadolikin.

Nakedolio apaaran naka Pentekosit, ajaasi kere nepepe... aibois adiopet.

"Katipet abu Ecokon obu toma keda..."? Aosik eong ekokoro kanen, mere kwaen? "Katipet kobu esaseredot olutari"? Mam.

Kongesun airuruma...

Mam arai esoswai; ajai cut, airuruma.

"Adolokit Ejanakinan okek"? "Abu Esaseredot ikunyakite omesa loka Ejakait, kolomuni kaibosit nakalaunan"? Mam, amamei ibore kwa angin.

...kijesun airuruma kokuju...(mere aruo naka akeje)...kijesun airuruma kokuju kwape...naka ekwam lo akusi kagogong (Oh, loka! Whew!...?...)...*kilelebun etogo kere lokiboioto.*

55 Inyobo Emoyo Lokalaunan? Ne nges edumunata kesi Agogong. Ne nges ebeitor kesi aidareun; nu nges kopotu kotakanutu naeswamata kesi ngun. Adwaritai kere, ageun ka Ageun kitoni iingaren, ageun kAburaam kitoni; ebe abuni Ngol, kepone da lokebeitor Ngol abunio, ka nuapote atakanun. Inyo? Isumunitai Ekanisa, neeja eyuunak.

...ido ilelebun etogo kere lokiboioto.

Kotakanut angajepa nuketiakatiaka bala...nuka akim; kodoik ngnidiope kakesi.

Kilelebai kere Emoyo Lokalaunan, kogeut einer angajepa ace, kwape einakina Emoyo kes einer.

Do kwana ilosi toma kangun, akuare Naikanyet. Koany kaosikisi ber kanen, teijo.

Biai Ngin, erai aismunet neejai Ekanisa, cuticut aismunet. Erai abeit.

56 Kwana, ilosi awanyun, kedaun aileleb ngul, ipucakinitai bo kesi aojau naetia ai?

Idi luejaasi ne idumutos Emoyo Lokalaunan? Awanyutu akus akanin. Ipu luejaasi keda Emoyo Lokalaunan adepar luemameatar. Ikoto isio ijo araun idiope kasio, onac, inac. Naimisikinia ijo inyobo Ngesi, erai...Erai Emoyo loka Edeke iboei kotoma kon, isomai aswamisinei nuka Edeke.

Naijukakina Edeke Ekemoyo nejai idiobulesitiKe, iKenaabin, iKekesisianakinak, iKeyakia, mam duc acamunitai kakwap. Eteo kesi bala emunara akwes, adiotur kere nakejai. Araida nabwoya Paulo kama Agirippa, abu kotema, "Ne ebakare ebe aitolutoluna..." Inyobo aitolutoluna? "Asubit bala ebang". "Epone loenyaritere abangaanut, itunga luemunara akwes, ngol nges eipone loejanakina eong Edeke kaluapapakosi." Epol eong alakara ebe apedori eong alimun arai eong idiope akesi. Eebo, ipa. Erai abeit, epol eong alakara apedori alimun arai eong idiope akesi.

57 Kwana, kedau Emoyo Lokalaunan lo adoikin kes, abu Ngol koinak kesi araut luaminanara kitoni acamun aimor kere. Ngin erai abeit? Ikatuan, ikatuan, aimor bongin! Iwoenenei ekosio ngon aceparan, "Oh, edicane loetianen! Oh, aiyalama naka Edeke!" Nges ngin. Mam apodosi, mam apodosi arai ecauni akolong arai mam. Mam engisitos aijar naepatana.

"Kwana, ejauni eong Emoyo Lokalaunan," ebalas eong icetunga, "Ejkt. Branham, arai kitigogong ijo ebe araun eong abaran, arai kitigogong ijo ebe adumuni eong atanin nuakinyet, keda arai ebe adumuni eong nebokere esaabu, keda eong..." Teijo, nuisianakinete itunga ngun, kwabo isisianakinete aisab. Mam Edeke isumunitior iboro ngun.

58 Ediotunganan loedumutor Emoyo Lokalaunan mam epodo arai ilipilipitoi ngesi emugati, arai mam. Mam eyangauni adiotiaketait ane ejai ngesi. Erai ngesi isubat yenaloton-Kuju. Mam epodo... emamete ngesi keda arucokina ne, cut. Ngin nges abeit. Mam nges epodo. Owosik koputu, owosik koloto, nuekotosi. Owosik kes oinyanakisi, okwenatar. Kopal akoningosibib, inyobo ipodo ijo? Ijai ijo orotokon alosit Abuses! Hallelujah! Akonakonye ejaasi ne ejai Kristo, keda ija ijo orotokon. Mam ijo ipodo nuebalasi akwapin.

Ngun Nges erai Emoyo Lokalaunan. Erai Ngesi Apedor, erai Ngesi aipucet, erai Ngesi Ekayuunan, erai Ngesi Ekapuron, erai Ngesi awanyunet. Oh, ikatuan! Erai aitigogonget ebe acamu ijo Edeke.

Adau eong apak naetiae? Esalitos eong idakikan ikanyauni. Mam ace. Ocamak eong...eriko eong Ikokoron ipu kane. Mam eong aomit bala apedori eong ayaun kes toma, konye mam ace kitami-kitami nukipedori kere.

Kwana, akaulo nailelebikinor etunganan Emoyo Lokalaunan, epedori kerekareo ka iceboro ainakin nges abongun ka...Kwana, mam nges etwaniari, eringo erai okoku loka Edeke, esali erai, naarai ipucakinitai ijo kitoni wori? [Kobongokini ebina lokitunga, "Kitoni apak nakalakunio."-Ekewa.] Abeit ngin. Nges ebala Ebaibuli.

59 Kwana, akaulo na ebungaere iyakia, keponi koinyanakinai kes, keponi kokwenare kes, ka iboro kere, apotu koomomoata ebeadol apak abongor aibumakin nepepe apak adio. Apukosi Aswamisio esuula lo 4,

asodete aanyun...nuapotu kotakanutu. Kwana Eraasi nu anukus yes itunga luidautos adumun Nges. Aswamisio esuula 4.

Kwana, ebungatai Petero ka Yokana, ibwaikitete aidaris, kanu aitangaleun, kanu aitolot aijanakin nakaitangale korute lo ekanisa. Idibo ejenete ngun? Ajai etungananan loaperi kanen, osubite bala angwalitos akejeke. Mam apedori alosit; ajai kopone kangon ikar akaisangon. Kotubor Petero. Kotema... kikeu ekekopo, anu adumun idiobore abiaikin oikopo ke, kanu ainyam.

Kosodi Petero aitodun ebe arai ekalimonokinan lo eleleba-Emoyo Lokalaunan, amameatar kidiokapun. Kotema, "Epuesa keda esaabu amameatar eong." Itei ijo, mam apodokinit ngun. Arai ngesi isubat yen ajai alosit-Akuj. Oh, aponi kisinapikinai. Ajatar keda Emoyo ngol. Ajatar keda Apedor ngin. Abu kinyikok alosit ka atemar, "Emamei eong epuesa karaida esaabu; konye yenikija keong kainakini ngin."

60 Komam abuinikin ebala etungananan, "inyobo ejai ijo, ipa?"

"Ejai eong aiyuun. Ejai ibore ejai otauka yen ageuni bala aparasia atomon kau. Ajai eong agola naka okuju, ido atipet ngipengin, aisumuneta kere nuabu Edeke kisumunite...abu kalosenenete keda Yesu Kristo ikaru iuni katutubet. Kalokata nepepe, airiunun agaria kinga. Esomat eong iboro luegelegela. Kawany Ngol itangalei luadekak. Kabu inyikok alimonokin eong, ejai Papa tomaKa; konye kalot Eong, ebuni Eong tomakus. Aso mam abu kapedo amisikin ngun. Kotema, 'Kwana, ajeni ebe mam ijo ipedori amisikin ngun.'"

Mam yes imisikitos iboro lu; idumunete yesi adumun. Mam eong amisikit ber. Ido mam itemarete ebe imisikitos yesi; naarai, mam yes. Itei ijo? Kanuangun, mam eong amisikit Ngun, mam apedori aitetem Ngun; konye, ibore bon ajeni eong, ajatatar eong.

61 "Abeit, abeit," ibakasi, "mam ngun eraasi nua sayanis." Oh, abeit erai.

Koanyu akimian. Naekamuna Benjamin Franklin ngesi, abu kotema, "Adum eong." Mam nges amisikit ibore yenikejatar ngesi, konye ajatar ngesi. Akoto eong idiotungananan lolo alimokin eong inyobo akim na eipiei. Mam ber ejenete ebe inyobo ngesi, konye kidumu oni. Amen. Eraasi ngun abeit. Emamei ediotungananan loejeni ibore erai akim na eipiei. Epedoritos aisomaun, kainakin aica, kainakin ainok, kainakin awam. Konye ijeruno nges keda igenereitas, atutubena aarei ekerete nepepe *kwagin*. Ijeruni nges, ngun bon ejenete kesi. Koyanguni aica, ejatar agogong kotoma.

Esubit do ngon bala Emoyo loka Edeke. Neidumunia ijo itutubet idiope, nges ijo, kosodi atutubet ya nges Edeke; koinakini kesi akerit airimor nepepe kopone *kangon*, iswamauni ibore kanukon. Erai abeit. Einakini aica. Einakini apedor. Mam ijo ijeni inyobo Ngesi, ido mam ijo ijenuni inyobo Ngesi, konye ijenuni ijo neidumunia Nges. Ngin ngesi idiope ibore yeni erai abeit. Ido erai kanukon. Erai yenikon. Erai aitigogonget. Erai abeit.

62 Inyobo itodiarit aica *ngin*? Ejai aitigogonget. Erai aica.

Aso komisiik nu, kwana, mam ijo ijeni ebe inyobo Ngesi.

konye abakasi ikesalu ebe, "ejok," kes...apotu kesi kolimutu idiope ibore yeni ajenete kesi, "ijeni isio ebe mam kes ejenete." ice bobo "luemunara akwes," koany, kwa abalar Egirimanit lodidi ebe arai ngesi. Koany? Ebala, "emameatar kaijen ido mam isisiatos. Konye ajaasi lem keda Ekatan ngon, Ekeon ngon kangina, loenyaritai Yesu, kalimokini ijo, naarai isomaete iboro ngupengul luesomai ngesi."

ngun nges erai Emoyo Lokalaunan, Yesu ejari kotoma ekatan loemamei aijen, ekeon, arai yenipe kere, ekalimonokinan loemamei aijen, nupe do erai. Erai etungananan loekot amamus aijen kotoma oboro luakwap, kosodi aosikin Yesu abunore tomake, Emoyo loka Edeke, aipucet, Ekayuunan. Mam epodokit angosibib; idiope ibore bon ipuda ngesi Edeke.

63 Na autar Edeke abiakin toma ainapeta, abu kotema, "Yes kere Ilebin, anyarau eong yesi kaitaraun da yes isaseredotin. Keda ikusinacan kere, konye kwi, atekerin atomon ka luarei ka...nuce atekerin atomon ka ludiope etacete yesi idiolet kotomon."

"Ne, idumunia ijo ibukito ikany ka luongan luka araito, kobukok ebukit ediope nejaasi ilebin. Naitorio ijo akonimerekkin toma a... agola ne, kogelu amerekrek nakitononet. Mam eong apodo erai edit, arai naepol, etumit, arai naerono, ngin erai na Ilebin.

"Kwana, Ilebin, naidumunia ijo nukere, kolem ijo da idiolet kotomon, ijo da, nejai ejakait. Ainakinet naijangiangio, ainakinet naedakakinitai, ka ainakineta nuegelegela. Iinakinijo idiolet kotomon nejai Ejakait."

Ebala, "Musa, kanu owaikon, arai Eong lokon." Oh, likatuan! Ebala ngesi, "Eong nges einer kon loisimonokini."

Ngun nges erai Emoyo Lokalaunan kotoma Okanisa lolo. Epuesa karaida esabu emamei eong, konye

kijaar eong keiner loisimonikini. Hallelujah! Asioman, ationikit eong aisiom Eitabo lo, konye ajatar eong keda einer loisimonikin. Ejokuka ngun. Ediguri loimurok, amameatar eong; asioman naikeuna (Ph.D's arai LD'S,) arai idiobore. Konye ejai idiope bore ajatar eong, einer loisimonikini. Ngin nges atutubet nakoto eong. Ngin nges atutubet naekotor ijo Edeke ajaut. Kocaka iboro luce lumojong awai, angosibib ka ngin bore kere, kosodi alomun kinga do adumun einer loka Edeke losimonikini.

64 Naarai, nuidum ijo kotoma akwap na, iwasikin ijo kane nainyouna ijo. Konye arai kidum ijo einer ngol loisimonikini, acamunit eong iyangaari ijo kuju. Idumunenete duc yes akapakina kanu engeso, ilolo, ainakin edaan itunga. Adumutu einer loisimonokini loka Edeke, asodete adumun loiyangari kuju itia loedaan. Ijenijo, isomaete kere.

Do kwana awanytu.

...nakeosikinere, koloto neejaas ikecetunga...

Mere abongor osaseredootin. Iteijo, etodunit ngin ebe ajatatar ngul ka Ngol. Mam bobo abongorete kau nemojong, nelilim, koboro lutai, mam, abongor ido atemar, "kwana ongoliasi nuapotu kiswamaikisi isio!" mam, mam. Ajaatar ikecetunga. Ajaasi nen nepetai itomon ka aarei, konye karaasi ngun ikecetunga lupo adolitos, itunga lupekidioko.

...nakeosikinere,...

Akaulo aibunga kesi ka aitukurian da, kotema, "arai kirucakisi aibatis kokiror Yesu bobo!" arai, Oh, abala eong...ejok, abeit ngin. Itei ijo? "Arai bobo ilimonokisi kokiror Yesu, niswamaete kere, kidumunio!"

Kotema, "whew, erai kerek aitukurianet. Kaloto neejaas inacan luce." Oh, ngon nges erot. Toma aimorikikina ejai apedor. Toma aimorikikina ejai apedor. Kotema, "kaloto neejaasi luceinacan asodete ajenun nukiswama."

65 Kwana kopotu kimorikikinos nepepe komorete ajenanuto nuegelegela.

...nakeosikinere, koloto neejaas ikecetunga, kitatamikis kes akiro kere nukelimokinete isasedotin lupeti ka imakio.

Nakiirariata, kikeut ikeceporotoi nepepe nejai Edeke,...

Kwana kopupok nuapotu kotemasi. Kosesenata nges, kosesenata kes, mere bobo abongor atemar, "O..." ibore ice, "O Ejakait, kitimo..." Mam. Adautai aitajar sek. Kilelebai keda Emoyo. Ajaatar keda aijar na Ikaru kere.

...ikeut ikeceporotoi... nepepe, kotemasi atiar, wu Ejakait, ijo nges Edeke,...

Amen! Amina eong ngun, Onac Palmer. Amina eong ngun.

...ijo nges Edeke (kijeni isio ngun) lokisubi akuj, ka akwap, ka angolol kakere da luejaas tomakec:

Kaituk naka kebulesit kon Daudi...ebe,...

66 Aso kosesen, ilosi ijo abongun, kobala, "Kwana, mam kirai..." kwana ilosi ijo kinga ngina kobala ebe, "Ejok, kwana, Ejakait, kwana idarek mot. Ejaasi do akwenar eong noi!" Mam kobu otema ebe iswamaunete ngun?

"Kere luejarete kotoma Kristo Yesu itorete toma areo."

"Ejok, ijeni ijo, abu lokapolonika kalimok eong ebe arai ikamu ngesi..." Mam abalasi ebe etemarete ngun? "Ejok, ijeni ijo, kapotu eriasi eong okooti apak ya, kanuka Ngol."

Mam abu kotema, "Kiyauno akonyen nuka ikabakan ka epugak, kanuka Ekakiror. Mam iwomomoete nukinera, naarai mama eraijo inera"? Kabu awany ngun isomaunos bian. "Erai Emoyo Lokalaunan ejai tomakus; nges inera," Koany, "ngon." Abeit. Abeit kere. "Mam kiwomomoi nu kinera."

67 *Ejakait,...lokotoma...kaituk naka ekonibulesit Daudi ibu kotema, kanukinyo enyunyuratatar lukacekwatin, kaitunga da itetemonoroto aamameak?*

Etemonokinos ikabakan lukacekwatin, etukonokinos ikayaitok nepepe, asurokin Ejakait, ka lokinyonyoikitonoke.

...naarai abeit, Ejakait, etukonokinos Kerode ka Pontio Pilato, nepepe ka imo ka itunga luka israel orelo asurokin ekonitelepat Lokalaunan Yesu,

Tetere iswamaete kere nuelosikinit akon kan, ka nuinerunit ijo ajaun.

Oh, ikatuan! Amina eong ngun. "Ejakait, iswamaete ngupengun nuibu ijo kolimunite ebe apote

aswam." Inyobo ineritai kObaibuli? "Kapakio nukawasia, epote ikesekelok; luemositos, luedakakina, lueminas aitelelio itia amina Edeke; luiketara, ikasabak, lumam itikokinos, lumam eminas ajokis; ejasi kaputo naka ayongit Edeke, konye kongeritos..." Mam apotu kodokasi kuju aijaun Apedor: "...akaulo ebuni Emoyo Lokalaunan mamakon." "Kojaasi kaputo naka ayongit Edeke, konye kongeritos apedor ke: kibongok ngul epur." Ngon nges Emoyo Lokalaunan. Iteijo?

... inyobo *nuitemokitai...kanu aswam.*

68 ...*Kwana da, wu Ejakait, kosesen aitukurianakec: koinak ikonibulesin, einer Akirot katiting kere,*

Oh, amina eong ngun! Kolema egura ngon lo arai lem da, kosodi adumun egura loka akoit. Kwana kosesen ne.

...*tetere kinera akiro kon,*

Nairioria akonikan aitangaleun;...

Oh, onac! Mam ajokin etwakete, karaida Emoyo Lokalaunan. Iteijo?

...*nairioria akonikan aitangaleun;... kiswamai da aanyuneta ka nukaumokin kanuka ekiror loka ekonitelepat Lokalaunan Yesu.*

Itei kwani ijo nuatukonokinotor kesi? Iswamaete ngupengun lolo da, konye mam ingarakini.

Nakedauniata ailip, kitamaranai aibois kama ketukonokina; kilelebunos kere Emoyo Lokalaunan, kinerata Akirot naka Edeke katiting.

Whew! Ikatuan! Kepotu kodumutu ibore nalosioto kuju ngina, mam apotu? Abala aisumunet ebe ngon nges Emoyo Lokalaunan, ainakin ijo atiting, kaisinapikin ijo, kaipucakin ijo, koinakini aanyunet. Oh, ika!

69 Kiira. Oh, korai bon kojai oni apak, ti kijesar kwap ka Pilipo nejas luko Samaria. Toma Aswamisio 8:14; yes luiwadikaete. Kepotu kodumutu ailel naepol noi, ajaatar aitangale naepol, konye kibatisatai kOKiror loka Yesu Kristo. Konye aponi kijukarai Yerusalem, aomere Petero; abu kobi kidokok kes akanin, kodumunete Emoyo Lokalaunan. Aswamisio 8:14.

Imo, ajai ediope loanyaritai Korunelio. Arai etunganan loajok noi, kotaci idiolet kotomon, koduki iyekalun kanu itunga, koinakite Edeke angosibib, koyongite Edeke; etunganan loajok, e Presbyterian loejok, e Methodist, e Baptist, arai ibore ice, koany, etunganan loajok noi. Konye kadiope paaran, kotema Edeke atiar, "erai ngesi etunganan loejok; aso ejukari nges toma airiamun. Eraun Eong ayaun ekalimonokinanika nee kasodi alimonokin nges Ngun." Eebo.

Koany aitapoet, kotema, "ijesar Joppa, idumuni ediolet kangina loenyaritai Simoni, ekekisikisan imukulen. Ejai bobo ediolet, Simon Petero, toma ngina. Kobi kuju nee ilimokini ijo erot, naarai edumunit ibore."

70 Nake ebwoya Petero kokuju kangina...Ido akoto Korunelio ageun aim ajanakinan ngol. Akoto ngesi. Kotema Petero atiar, "Kobwo, arai eong etunganan kwape ajo."

"Nape eringa Petero inera Akiro nu," eipone loapotu kesi kobongoroto, kageunet kotoma...Iboro ngupengul luenera eong, eipone loabu Edeke isumuna abukun Emoyo Lokalaunan. "Nape inera Akiro nu, kodoikini kesi Emoyo Lokalaunan." Whew! Eebo. Ngu nges erai Emoyo Lokalaunan, luerai Ngesi kanukec. Cut. "Kilelebikinai kesi kere Emoyo Lokalaunan."

Aso koany kotoma Ipeson, ajai onac loarai Ebatisayot. Arai ber sek epulida, apiiriana, etunganan loacobe, ajeni ekisil ejok, etunganan loangosibib, asiomit. Adiopepaaran abu kogeu aisiom Ebaibuli, koanyuni ebe adiopepaaran ejai loebuni konyaritete Mesia. Do neswama ngun, kanuinyo, kogeuni apupun nuka Yesu kalo, kotema atiar, "Acam do eong. Alimori do kwani eong akaiyun ebe Yesu nges Kristo, Okoku loka Edeke." Arai Ebatisayot cut. Kolomuni do ngesi da, "Ikalalat ebe Yesu nges Kristo." Abu kominak aswam ngun kitoni Edeke anyaraun nges toma ajanakin. Inerakinos duc Edeke kede eta loelai.

71 Kojai eswaman iwemai yen didi kwap ngina yen anyaritai ebe Aquila ka Priskila, ekiliokit ka aberu. Araasi ekeswamak iwemai. Aswamisio esuula 18, elimokit oni ngun. Paul, keraasi ipapero ke. Adaautos aijaun Emoyo Lokalaunan kotoma akanin ka aisisianakin naka Paul.

Apotu kopuputu ebe ajai aisyikwaruno, kolosete kesi da. Araasi nepetai itunga itomon arai itomon ka aarei ajaasi airiamun. Abu kolot ngina airekin, kopupuni ekalimonokinan elimonokini, ketau loelacakina. Abu kotema, "Ijeni ijo, eyuunit eong ebe epedori ngol apupokin Abeit."

Engetakin ajanakin, abu konyarau ngesi kau naka ewema, kosodi atemar, "Koany, ijatatar isio keda onac yen didi kowoj mot, iyudayat ikodosos ekume, konye naebunio lailo, ebuni aisisianakin yes Akirot naka Edeke, kaica." Kuain, akaulo Na apak...

72 Ajai Paul aidaris kapak kangipekangin. Aibois na erono noi kanuka ekalimonokinan lokatinenikwana, mam kereka ti erai? Konye ajai ngol aidaris, ido edarit Ejakait ngol kotoma kanen. Aso akaulo nabunio amaran naka akwap, abu kijangijang aidaris toni kwap, abu ngol koyanga ekapolon loka aidaris ka lukotogoke kosodi aibatis kes kere, kOkiror loka Ejakait Yesu, konyouni alosit, abunore lailo.

Kebu ngesi kiruta ajokit kinga na, apese namojong na adwari. Kwabo, kiswamaete ngul ikapun luepuu kanejai apese na, abu do ngesi kisideleleu akiroke, kocakakisi ngesi aidaris kanuka angun. Kosodi Ejakait aijangijang aidaris, naarai ajaatar ekwesit loka itunga ngina luabeitos aiyirar abeit. Mam ijo ipedori aiwen akirot naka Edeke. Ejai...arai inyololo, mam cut, mam ijo ipedori.

73 Kosodi alosit ngina najai etunganani lo. Akuila ka Prisikila, aticepak ajatar idio inyamat. Npedaun ainyam, kotemasi, "Kauparos ngina nejai aisikwaruunio."

Kikunyak Paulo kau kosodi aikeun ekelou, kosodi aiyirar ekalimonokinan loBatisayot elimonokini.

Kotema, "Ejokuka ngun, nukilimonokini ijo, konye ejaa bobo acie." kotema, "Akoto eong aingit yes aingiset, Dr. Apollo. Idumunito ijo Emoyo Lokalaunan anyoun naka iyuunia?

"Oh" Kotema, "mam ber ipupunito ebe ejai da. Inyobo ibala ijo, kanuka 'Emoyo lokalaunan'? Kirai isio lua Baptist."

Kotema, "Kijenunete bo biai ebe iraas lua Baptist?" Iiteijo?

"Eeh, kibatisatai isio. Kijeni bon aibatis naka Yokana."

Kotema, "Abu kibatis anu aitironikin bon, kobala 'kiyuutu ngon loebunit,' nges atemar Yesu Kristo."

Ne eiraria nu, kopotu kibatisaunos bobo, kOkiror loka Yesu Kristo. Kosodi Paul aidokokin kes akanin, kobuni do Emoyo lokalaunan tomakec, kinerata angajepa ka aidwar. Kotemas, "Idotunganan kere"

74 Kwana, epone ani kiswama oni ngun? Akoto eong alimokin yes ibore, do eong...kigolokini, naarai, alimokit yes ebe lolo atwari eong yes sek. Kijenete nuerai Emoyo lokalaunan. Kanu ikokoron lukawasia lolo...ajaatar bobo aibunget acie nee, konye kilami do nen. Kapukosi Ikorinton lusodit 12. Kasiomutu, kasodete do agolokin. Eebo. Ikoriton lusodit, esuula loitomonet ka aarei.

Idibo iyuunito aisisianakin naka Paul Lokalaunan ? Abeit! Kotema, otoma Igalatian 1:8, "Karai isisianaki Emalaika idiobore yen egelakina, kikenoi," kojalak ber ekalimonokinan. "Arai kebuu Emalaika lokokuju kwap kosodi aisisianakin idiobore yenigela, ikenoi ngon." Koany, kolaar kanen.

Kwana kosesen nu, Ikorinton lusodit 12.

75 Idibo ejenete ebe ibusakinit ajaut toma Kristo tetere kilosi toma ajarun, naarai erai akekuan kobu Edeke kisumunik aitajarun? [Ebala atukot ebe, "Amen." -Ekewa.] Emamei bobo ecie erot. Emamei erot ecie, arai ijai ijo kinga naka Kristo.

Imina kongolia kau *ne* kosodi aiyuun Ngon, atemar "Cuticut, eyuunit Nges. Erai Ngesi Okoku loka Edeke." Ejok, onaceka, akapakina eong ayogan ijo akonikan ne itemaria ngun. "Eyuunit eong Ngol. Alimori Nges kwape Eketajaranika." Ejok nen, konye iroko mam ijai tomaKe. "Ejangi akanin keda ekalimonokinan. Alimori akadiakanareta." Eroko ngin mam erai ajaut tomaKe.

76 Kwana kosesen, koany nu abala Paulo, epone lo ilomaria ijo toma Kristo. Epone loijenunere ijo kwape akepio? Aburaam, koponi oinakinai aanyunet. Kopupok ber nu, ikorinton lusodit, esuula 12, ageutu kokokoro lo 12. *Naarai kwape eraar akuan adiopet, ejaa da atutubeta niipu, kwabo atutubeta kere nuka akuan kangin, karaida kipu, eraas akuan adiopet kwape kwangin Kristo da.* (Mam etiakatiaka. "Adiopet")

Kiira. "Kanuka ekanisa ediope"? Idiibo esiomete kokauka? "Kanuka adiope aiyogaikin"? "Kanuka adiope kipi"? Mam. Apolouke ejai yen ediakit.

"Kanuka Emoyo ediopet!" Ngin erai anyukuta napolon egeit? Erai, "Emoyo Lokalaunan" iteijo?

....aponi kibatisai oni kere kotoma Emoyo ediopet eraun akuan adiopet, karaida Iyudayan, karaida Iyonanin karaida ibulesin, karaida luijakakaete aponi oni kere kitamasi Emoyo ediopet.

77 Akuan naka kristo erai ediope Emoyo, ne eraar nginimeeba kere, anyoun koPentikosit kitoni lolo, aimat Ebino ngopengon loitetet, Emoyo lokalaunan ngopengon, oyauni araito ngipengin. Epone ani kiswama oni ngun? "Kanuka Emoyo ediope."

Erai ekek loka Edeke lo engaara, Emoyo lokalaunan. Inyo? Erai ekek loka Edeke loengaara. Erai aanyunet, erai aipucet. Erai ekayuunan. Erai Ekapuron. Erai aitogogonget. Erai aibworar. Erai ainapakin. Erai ajokis. Erai angaleu. Erai aijar. Erai ekek loka Edeke loengaara anu iboro kalu kere. Ekek loka Edeke

loengaara toni nejai kristo, loejaatar...

Abu Edeke kitogogongo ebe obu itajaru Yesu kokatuak, do ngun luetuakito kotoma Kristo eyauni Edeke kaNges apaaran naka ajarun. "Sirikitakadikis Emoyo lokalaunan lokolo kipucakini yes aipucet kitoni apaaran naka alakuniokus." Whew! Idibo iyuunito ngun? [Ebala atukot, "Amen."-Ekewa.]

78 Inyobo Kristo? Inyobo Emoyo lokalaunan? Mam erai ibore yen ekwenatar itunga. Erai ibore ekwenatar itunga; konye mam erai, nejai eyuunan.

Nejai lomam iyuunit! Orai do ojai engo isabiitin iyarei arai iuni luwojak, akotokin ayangar akwar nakamoi alimokin yes nu erai nejai lomam iyuunit. Akoto eong aitor nen apak adio. Erai nu ekwenare. Erai atacit. Erai amoru na iguikini. Erai atwanare. Erai atiak keda Edeke ikaru kere. Mam do ber eong apedoror aomom ibore erai ngesi ne ejai lomam iyuunit!

Kiitu, edou ngopengon lokekwenar lomam iyuunit, nges ngopengon loabu oyu Noa ka ekekale. Iteijo? Emoyo ngopengon, Emoyo lokalaunan loekwenatar itunga kobalas ebe "aibangibanguna ka abunget na ibangiok, erai ikerek,"Erai ibore ngipengin europori ekanisa kosodi ayangar kuju apakio nuka awasia; eyauni etube nejai lomam iyuunit. Abeit ngin. Nges Emoyo lokalaunan.

Isirerengitai...Akoto alimun nu, toma aiyapepera naekatau. Isirerengitoi lueyarit etengei kojakite akure kanuKe, naaraai ilelebio.

79 Akwar nakamoi, ilosi einer epone ani, nuiwamai Ngesi karai kebu.

Kwana, idi bo kane ekotosi adumun Emoyo lokalaunan, kokoto itunganan ailipakin ijo, tetere ijo iwanyuni Aica?

Ijeni ijo "ibore era Ngesii."

Kwana, akwar nakamoi, ilosi ayangar, "inyobo iswamai Ngesi"

Do konye akwar naetupakini, "epone lodumunet." Kasodete anyaraun toma, kisisianakinai itunga, kolototo agolaik kiboyooto kotoma, arai eyangaiki Okrisimas kere, ejok, kitoni nebunio Emoyo lokalaunan. Ilosiadolokin toma kapetetait naengalei na Ebaibuli. Ilosiadolokin ka adumun opone kalo isumuniton Nges Edeke, abu Ngol kodou kageunet. Ngon nges erot ijai ne aiswama ngun. Mam itegelikini nuinera idiore, irai...

Akirot naka Edeke erai...eyait aboisit nasodit kotauka. Erai abeit. Ido akoto eong ngun nuakotor eong Edeke. Arai keja nuiyatakin, ongaa akuj, Ejakait, naaraai engaara ekatau kanuKe. Erai abeit.

Idi bo ekotosi Ngol? Ikiasi akanin, kotema, "Kilipakinai." Kwana kosalitos keda akus kanini kuju.

80 Papa loibai toma Akuj, kisisianaki isio apak na ewoj. Konye ejai EmoyoKon ne. Ejaasi akanin kuju kopana. Ejenete ibore erai, ejenete apolou naka Emoyo lokalaunan. Elipi, Edeke, eringo aimor na kengetakina, anginikan kane kikeunai ebe adumutu kesi Ngol. Ocamak, Ejakait.

Ilipakini kes. Ilipi be isirereng kes, Koinak eipud loka itawon kec. Ongolia akaninikec, Ejakait. Kiminas ijo. Ekotosi. Ejenete ebe mam epedorete alosit... akwar nakamoi, korai ingarak ijo eong, Ejakait, ipedori aitogogong toma okokoron ebe mam epedorete alosit auruporio arai kemamei Ngesi. Elipi Papa, ebe koinak kes etengei ka ajakit naka akur, tetere ilelebikinos. Ayauni kes akonyenKon kopana, Papa. Aso, ocamak arerengusio, kilipi kOkiror loka Yesu. Amen.

81 Amina ngo nges, Amina ngo nges
Naarai obu ngesi kogeu amina engo
Kosodi agwelun akaitajario
Okitoi loka okalvario.

Akoto alimun nu eringo oni ewoikino bobo. Akoto eong airiamun keda icie ejaanakinak agola kane, akwar kaNaikanyet, eringo aijaanakin egeuna, koany, naikanyet kware.

Iteijo nuatamit eong aswam? Aitodun inyobo Ngesi, epone lodolokinet Nges ka nuebeit ayongite; mam do yes ipote emuduko, aibungaikin toma obore. Nges mam engo engisitor lolo. Akoto eong yes ajenun inyobo Ngesi. Erai aisumunet. Erai aipucakinet. Erai ekesinapikinan. Erai ngun kere.

Do, akwaar nakamoi ka akwar naketupakini, igeuni do kanen, anyoun kanen do, kitoni nebunio. Mam ipodo arai edauni apak naetia ai; ibuni aidar kitoni. Italau ekon tau. Mam cut ebukokini toma otau lomam elai. Kitetenaar, itemokin, nges konye ecamakina.

Amina nges, Amina nges
Naarai abu kogeu amina ngo
Kogwelu akaitajario
Okitoi loko kalivario.

82 Adau ecokon alimun kopana, ido icamunit, ebe akwaar nakamoi igeuni esaawa ediopet aibois naka ediopet katutubet. Kosodi do ngin ainakin eong alacakin yes iyarei katutubet aibois naka iuni katutubet. Esaawa ediopet. Akwaar nakamoi, kogeun aima. Esaawa ediope katutubet ajai eong aisiraret ka.

Amina eong nges,
Aso kalemutu itabalan wok ekeikisi nges.
Amina eong nges,
Kobil do ber epone loajumetet kwana!
Naarai abu kogeu amina ngo
Kogwelu akaitajario
Okitoi loko kalivario.

Eebo, ecokon do kus kwana, Onac Neville.



www.messagehub.info

Nuelimonokinit
William Marrion Branham
"... toma apaarasia nuka eporoto..." Apuk. 10:7